

Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.416







Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.416




Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.416






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CMAAGL 1.7.416











1.7.416



















A

1.7.416

(Ph) 30052



1 P. 7. 4/6

*Orvola librona*

597  
B


XXVIII

LIPS.

1549

1549







1.7.416  
IVSTI LIPSI

DE

CI

# AMPHITHEATRO

LIBER.

*In quo forma ipsa Loci expressa,  
& ratio spectandi.*

Cum æneis figuris.




ANTVERPIÆ,  
Apud Christophorum Plantinum,  
clō. 15. LXXXIX.



AMPHITHEATRO  
LIBER

In quo formae ipsae Libi expressae  
Ex ratio figurata

Com aneis figuris



ANTVERPIA  
And Christophorum Plantinum  
MDLXXXIX



3

NOBILISSIMIS  
AMPLISSIMISQ. VIRIS  
IANO DOVSE,  
PAVLO BVSIO,  
ABRAHAMO AB ALMONDE,  
ACADEMIÆ CVRATORIBVS,  
I. LIPSIVS *dedico.*



PVS hoc meum, siue  
opellam potius, de  
Amphitheatro, vobis,  
Viri Amplissimi, in-  
scripsi: vt in parte ali-  
quā exsoluerem & la-  
xarem vinclum istud beneficiorum,  
quo artē me ligastis. Debere enim lar-  
giter me vobis fateor. siue meo nomi-  
ne: quōd hospitem & panē ignotum  
excepistis, fouistis, ornastis. siue magis  
publico: quōd vitam ac spiritum red-  
distis optimarum artium studiis, quæ  
profugæ inter insana hæc arma, apud

A 2

exteros



exteros iam circumspiciebant noui  
exsiliij sedem. Sed vos perculsas eas ac  
trementes firmastis: & cum multorum  
admiratione, quorundam inuidiâ, in  
eâ regione collocastis quæ antea Mer-  
curio magis amica, quàm Mineruæ.  
Magna hæc res & laus, apud animos  
non minutos: & quæ redundet ali-  
quando necessum est, non ad Belgicæ  
solum commodum, sed Christiani hu-  
ius orbis. Scilicet multum est in his  
temporum tenebris ac ruinis, lucem  
tamen aliquam priscae & ingenuæ do-  
ctrinæ retinere: sine quâ nec memoria  
rerum temporumque adseruari, nec  
mitescere iuueniles animi seriò pos-  
sint, & ad humanitatem imbui ac vir-  
tutem. Vt enim fertilissimos agros sil-  
uescere paullatim & sentibus obse-  
ri videmus, sine humanâ subactione  
aut cultu: sic optima ingenia efferari &  
inhorrescere, sine culturâ istâ littera-  
rum. Laudabiles igitur vos, qui pru-  
denter id vidistis; animosè tentastis; fe-  
liciter



5  
liciter perfecistis: vocatis & adductis  
in nouum hoc Athenæum viris, quo-  
rum aliqui eruditione & splendore  
nominis clari per Europam. In quo  
tam præclaro instituto vt perseueretis,  
non vos hortor (scio facturos vestrà  
sponte:) illud magis rogo, vt munus  
hoc meum, magnæ gratitudinis exi-  
guum apud vos pignus sit. quod vt ad  
gloriam aliquam vestri nominis faciat,  
opto & vix spero: iuuentutis tamen  
nostræ studia adiutū eo iri, sine super-  
biâ confido, imò confirmo. Valete.  
Nonis Ianuariis, Anni ∞. Io. LXXXIV.


A

3

AD



## AD LECTOREM.


 VM uniuersam rem Spectaculorum veterum illustrare statuissem, Muneris inquam, utriusque, Circi, & Scenae; atq. ad eam cogitationem parata mihi iam materia omnis & seges: valde pro bono mihi visum, imò necessario, de Locis ipsis eorumq. formâ quedam prædici. Nam cum ratio tota ludorum innexa iis & apta sit: fit omnino, ut qui illa non capiat, istos parum firmiter teneat, & caligans hæsitanisque nesciat etiam quæ scire se arbitratur. Itaque cum libros meos de Gladiatoribus iam emisisset, non sine caueæ Senatoriæ & Equestris plausu; illos De Venatione in manibus haberem & perpolirem: hoc quod vides, De Amphitheatro, prius contexui: in quo imago, facies, habitus omnis Arenæ expressus quâ stilo meo, quâ penicillo. Nam nec formas & imagines operum neglexi. et si fateor, maiorem me rationem rituum duxisse, quàm Architecturæ. Illis enim hac nostra seruiunt & prælucunt, ut illos volumus scriptoribus priscis. Tamen nec Architectura spreta à me prorsus, quatenus ea quidem ad



dem ad voluptatem aliquid conferre videretur siue  
 admirationem. Sed quidquid hoc est operæ, seria-  
 tum id mihi & verè ludicrum fuisse, non nego. Vix  
 enim duodecim dierum tota ista scriptio & medi-  
 tatio est: quos lege ac more sepositos à seriis publi-  
 cisque Lectionibus, transferre mihi visum ad hanc  
 curam. Nec adfirmatione aliā res eget. ipsum syn-  
 tagma ostendet, non eā curā ac cultu fortasse, quo  
 quadam è meis. Sed quid opus, aut nervos in remis-  
 sionibus intendere? aut seriò tractare ludos? Mihi  
 (licet Invidiā audiente & gemente hoc dicam) non  
 ista, non alia ex Antiquitate tractare arduum: ad  
 quæ explicanda otium fortasse aut voluntas deesse  
 mihi poterit, nunquam facultas. Nec placeant  
 sibi nimis, qui nescio quid tale adnotant & decer-  
 punt per partes. Sed me amor alius studij iam in-  
 cendit, & acri quodam thyrsō pectus mihi percus-  
 sit alta illa Diua. Sapientiam intellego: cuius me-  
 racos purosque fontes nūquam erit ut nimis misceam  
 aut diluam mitioribus istis succis. Adhibebo ta-  
 men: sed ut lusum, non ut curam; ut accessionem,  
 non ut opus. Quem eundem animum in his tali-  
 bus, mi Lector, ex animo tibi opto. Salue.

AD LI-



AD LIBRUM  
DE AMPHITHEATRO  
I. LIPSI VIRI CL.

**Q**UOD fuerat magnis quondam decus Amphitheatris  
Longæua annorum sustulerat series:

Et quamuis olim cunctorum in se ora trahebant,

Cognita & Eois cognita & Hesperis,

Ignorata diu tamen atque inhonora iacebant,

Nîlque erat è priscâ nobilitate super.

Ipsam etiam nomen periisset, si modo certum

Ferre recusasset Lipsius auxilium.

At hic illorum casum miseratus acerbum,

Amphitheatra suo restituit decori;

Et, quæ iure bono potuissent Rudera dici,

Antiquo tandem nomine digna facit.

Iure igitur dubites quonam pro talibus ausis

Lipsiaden potius condecores titulo.

An Caesar dicendus erit, qui plus facere vnus

Ingenij mirâ dexteritate potest;

Quam tot Casario gaudentes nomine, quorum

Roma diu celsò paruit imperio?

Nam quæ millenos vix hi potuere per annos

Præstitit exiguo Lipsiades spatio.

Adde, quòd horum quæ fragili sunt condita dextrâ,

Cedant damnosi temporis arbitriis:

Sed quæ Lipsiade doctâ sunt condita mente,

Vincent damnosi temporis arbitria.

Quare aliquid maius querendum est, quod mage dignum

Sit dño magni Lipsiade ingenio.

Quid tamen inuentiam? Tantum illud dixero Lipsi,

Nulla tuas laudes pagina mēsvē capit.


Iustus Raphelengius

IUSTI














AMPHITHEATRU VERONENSE.











IUSTI LIPSI  
DE AMPHITHEATRO  
LIBRI

CAPVT I.

*Dialogi occasio. Florentij laus. Vrbs diruta,  
non diruta: et splendida eius ruina.*

**C**VM Romæ adolescens admodum  
agerem, lustrandæ & noscendæ in-  
primis antiquitatis: familiaritas mi-  
hi fuit sanè vtilis cū Nicolao Floren-  
tio populari nostro: viro à quo elo-  
gium Veritas numquam spernet veræ modestiæ &  
doctrinæ. Sed illa, in eo statim & adspectu ipso elu-  
cebat: hæc, secreta magis & recondita, nec eruenda  
nisi in consuetudine aliquâ & vsu. Vt gemmarum  
lapidumq. arcana vires, non nisi attritu & experien-  
do apparent: sic in plerisque vera eruditio, quæ inte-  
riori animo insita foras non spectat aut pendet. Alie-  
nus enim uerò hic noster ab omni ambitione siue ty-  
pho, Bataua quâdam simplicitate agebat: quique  
scire ipse, quàm sciri, nosse multa, quâ à multis nosci  
præoptabat. Sed cum primis illi studium & scientia  
locorum monumentorumq. veterum: quæ curiosè  
iam aliquot annos lustrabat, indagabat: acri quodam  
& directo iudicio, noua cum priscis, prisca cum illis  
componens. Haud temerè illum fugiebat, quid, non  
dicam in quaque parte Urbis, sed Italiæ, eximium

B

fuisse,

Nic. Floren-  
tij laus.

Doctrina  
vera, non ia-  
ctabunda.



fuiſſet: & ex leuibus quibusdam errantibusque veſti-  
giis, mirum quàm ſagaciter perueniebat ad cubilia  
ipſa. Cum hoc igitur viro & ſerino mihi tunc cre-  
ber, nec infrequens ambulatio: cùm ſtudio quodam  
Antiquitatis incenſus (cuius amor, vt cum Pindaro  
dicam, pupugerat mihi mentem) ſæpe & peterem &  
promerem aliquid ex hoc theſauro. Quod ipſum ac-  
cidit die quodã æſtuo pomeridiano, cùm ego cum  
ſtatim à prandio (vnà enim fueramus) manu pren-  
dens, Imùſne? inquam. Quò iam? inquit ille. So-  
lemni noſtro more, inquam, per colles iſtos ambula-  
tum. Ille paullò adductior, At ſolem hunc non vides  
Lipſi? inquit. quem ſcire debes peregrino capiti Ro-  
mæ non amicum. Ego cum riſu, De ſole ſecurus es,  
meâ quidem cauſâ, inquam. Vetus ego illi alum-  
nus, nec quidquam metuo à meo Phœbo. Ita mox  
ſumptis palliis exiuiſmus, & præter Vipſaniꝝ Pantheon  
transgreſſi, collem Capitolinum adſcendimus, de-  
ſcendimus: tandemq. per Forum Ro. & Tiri arcum  
ſiue fornicem euntes, haud procul ſtetimus à Princi-  
pis eius\* mole. Pedem enim hîc fixit Florentius, Et  
vîſne Lipſi, inquit, diſperſa in hoc campo oſſa paul-  
liſper legamus magnæ matris? Romam dico. cuius  
reliquias & velut cineres adhuc vides, etſi crematæ  
non vno buſto, euerſæ non vno fato. Tres ad pul-  
cherrimum hoc mundi opus euertendum dij conſpi-  
rarunt, Cronus, Vulcanus, & pater ipſe gentis.

*Non tamen annorum ſeries, non flamma, nec enſis*

*Æternum potuit hoc abolere decus.*

vt antiquus quiſpiam poëta verè ait. Scilicet hæc ipſa  
ruta

Sol Roma-  
nus noxi-  
us ſæuetis.

\* Amphi-  
theatro Tiri.

Roma ſæ-  
pius euerſa,  
non perit.



ruta & cæsa spirant etiam Romam veterem, & velut  
 scintillas emittunt prisce splendoris. Ex parietinis ecce  
 istis & ex lapidibus, imago statim animo oboritur  
 urbis, quæ una fuit ab omni ævo, una erit. Sed iam  
 distinctius lustremus. Viden' tu collem illum ad læ-  
 uam? Esquilix sunt. Radices eius? ibi Carinæ. paullo  
 longius, Thermae Titi. Hic, Vicus sceleratus. Et cum  
 diceret ille sedulo atque indicaret, ego in aliâ cogita-  
 tione defixus, oculos & mentem omnem habebam  
 in edificio quod exaduersum. Itaque latus mihi testi-  
 git, & Itane aliud agis? inquit. Ignosce, inquam. Inui-  
 tos oculos meos traxit & velut fascinavit eximia illa  
 moles. Et dic sodes, cuius hoc opus? quando? quâ  
 fini? quâ olim formâ? Florentius renidens, Næ tu  
 multa simul & semel petis, inquit. ac vereor, cum  
 Plantino illo Sycophantâ, ne face & viatico nobis  
 opus sit ad tam longæ narrationis iter. Tamen doce-  
 bo te in parte. transi huc, & propius lustra.

Tacita quæ-  
 dam mate-  
 rias ruina-  
 rum.

Amphithea-  
 tri seminata  
 moles.

Huc pertinet forma 1.

## CAPVT II.

*Ad Amphitheatri descriptionem aggressio. Primum de no-  
 minibus eius quesitum. Cur Amphitheatrum dictum,  
 & cur Cauca.*

**I**AM intrauimus, & videmus ecce cõfusam loci fa-  
 ciem, & formam verè informem. Lacera omnia  
 & dirupta, nec aliud quàm egregij operis umbra &  
 cadauer. Itaq. cum suspirio ad Florentium, Heu quæ  
 ista res? inquam. Manu omnia diruta, vt video, aut  
 collapsa ævo: sine articulis vllis prisce corporis, sine

B 2

membris.



membris. & quis mihi eruet ex istis verum vultum? Periti, inquit Florentius. inter quos non ego: tamen quoniam auidè aues, lineas tibi eius operis videor posse ducere, & deformare id in parte. Adiuua hoc, Florenti, inquam ego, per tuam fidem. Certè si vllum opus dignum memoriâ & notitiâ nostrâ est; videtur istud. Nec erras, inquit. Itaque cum Aristophane,

\* A capite  
adusque cal-  
cem cuncta  
edisseram.

Ex ὅσῳ ποδὶν ἐς τὴν κεφαλὴν σοι πάντα ἔρῳ: quod sciudero quidem ego, poteroque. Nam quædam etiam esse, in quibus hæreo & caligo, non nego.

\* Quia Ne-  
ronis cum  
capite Co-  
lossus in vi-  
cinia.  
Trina no-  
mina eius  
ludicri loci.

Vastum igitur hoc omne quod vides, spectaculi locus fuit & ludicræ voluptatis. Colissæum, ut scis, hodiè dicunt: prius Amphitheatrum, & sæpe Caueam, sæpe Arenam. Tria enim hæc nomina reperio. Amphitheatrum Græcâ voce idèò, quia gradus circum undique, & sedilia continenter disposita ambi-

\* Lib. XLIII.

bant in orbem. Dio \* Cassius: Θέατρον κυνηγετικόν, ὃ καὶ Αὐψι-θέατρον, ἐν τῇ πέλει πάντα χόδον ἔδρας ἀνδρῶν σκηνῆς ἔχει, προσεπέθηκεν. i. Theatrum Venatorium, quod & Amphitheatrum dicitur, ex eo quòd undiq. sedes habeat sine vllâ sca-

Cauea à ca-  
uo dicta pri-  
scis.

\* Et vix ali-  
ter apud Ci-  
ceronem ac  
veteres.

nâ. At Cauea Latinis, ab interiore hac parte quæ cōcaua, ut vides, & capaci quodam profundo. Quod nomē quidem apud antiquos (liberâ rep. dico) in theatris ferè hæsit: sed sub Principibus, cum gratia & vsus Amphitheatrorum increbuisse, bono iure migravit ad ista. Ammianus libro x x i x. Alter in

At nouis pro  
ipso Am-  
phitheatro.

Amphitheatrali caueâ, cum adfuturus spectaculis introiret. Tertullianus contra Marcionem: Quid? non in omnem libidinem e bullis? non frequentas solemnes voluptates Circi furentis, & Caueæ fœuentis, & Scenæ lasciuientis?

Vbi cum



Vbi cum scuitiam Cauæ adtribuat, clarum est intellegi de Amphitheatro. Saluianus pariter: *Quidquid immoderationis in Circo, quidquid furoris in Cauis.* Iulius Firmicus: *Nati sub sidere Canicula, erunt venatores, arenarij, parabolarij, & qui sub conspectu populi, in Cauis, cum feris pugnent.* Prudentius:

*Quid pulvis Cauæ semper funebris, & illa  
Amphitheatralis spectacula tristia pompæ?*

Idem iterum de Virgine Vestæ quæ it ad Gladiatores spectandos:

*Inde ad confessum Cauæ pudor almus, & expers  
Sanguinis it pietas.*

Appulcius item aperte: *Dies ecce muneri destinatus aderat, & ad conseptum Cauæ, prosequente populo, pompatico fauore deducor.* Tertullianus (si recta lectio est) *Caulam* etiam in libello *De spectaculis* dixit, nouè magis quam improprie: *Ceterum qualia illa sunt, quæ nec oculus vidit, nec auris audiuit? credo Circo, & utraque Caula, & omni Stadio gratiora.* Vbi eâ voce includit etiam Theatrum, nisi si legendum *Cauæ*.

\* Funera autem ad Scannam refecti non possunt.

Caula, pro cauâ.

## CAPVT III.

*Arenæ nomine dictum eundem locum. idè quia sterni arenâ solitus. Cuius generis ea stratura? quàm varia? Plinius & Ouidius explicati. Arenarij. Tertullianus emendatus, & declaratus.*

**S**ED & Arenâ dixere vulgò, scilicet quia is locus defabulari solet & arenâ sterni in usum pugnæ. Nam si lapide aut ruderato: iam tam crebrâ effusione sanguinis, lubrico statim paui mēto, quæ ratio standi

Causa in sternendæ arenæ.

B 3

aut cer-



aut certandi? Arenam iniecere igitur, quæ bibula: & quam ipsam renouare & velut inarare etiam soliti per interualla ludorum. Martialis ostendit, de Leone subito efferato:

Quam per  
pueros quos-  
dam, non si-  
ne lusus  
specie, reno-  
uabant.

*Nam duo de tenerâ iuuenilia corpora turbâ,*

*Sanguineam rastris quæ renouabat humum,*

*Seuus & infelix furiali dente peremit.*

*Martia non vidit maius Arena nefas.*

Et credo quidem vulgariam arenâ insterni solitam: nisi quòd quidam rasuram lapidis albi destinarunt etiam huic rei, quæ sita gratiâ candoris. Plinius libro XXVI. Inuenere & alium usum eius lapidis, in rammentis quoque, Circum maximum sternendi, ut sit in commendatione & candor. Nec scio an ad hunc morem, in mentem & calamum Ouidius flexerit, cum de Gladiatorum spectaculo scribit:

Arena à la-  
pide abrafa.

*Altera tresque super rasâ celebrantur arenâ.*

Rasam enim arenam ingerunt hîc consensu fidi & prisca libri, nec causam adiectionis aliâ facile inuenio ab istâ. Nisi si Rasa ideò, quia superficies illa æquabilis, tersa vento & velut rasa. At Principes interdum, arenæ loco, instrauere minium aut chrysocollam. Plinius: Visumque est Neronis Principis spectaculis Arenam Circi chrysocollâ spargi, cum ipse concolori panno aurigaturus esset. Suetonius de Caio: Edidit & Circenses quosdam præcipuos, minio & chrysocollâ cõstrato Circa. Sed hæc monstrorum aliquot dementia, quibus satis non fuit ostentare opes suas in spectaculis: voluerunt & calcare. Ceterum Editorum vulgus contenti, ut dixi, arenâ. Inde ea vox passim pro certamine

Et minio  
etiam, aut  
chrysocollâ.



tamine Amphitheatrali, proque ipso loco. Tacitus: *Arena pro certamine & loco.*  
*Spectacula gladiatorum idem ille annus habuit, pari magnificentiâ ac priora: sed feminarum Senatorumque illustrium plures per Arenam sedati sunt. Iuuenalis:*

— *et municipalis Arena*

*Perpetui comites.*

Suetonius: *Equestrem ordinem ut Scenæ Arenæque devotum adsiduè proscidit. Horatius:*

*Ne populum extremâ toties exoret Arenâ.*

Capitolinus: *Multos qui secum in Arenâ pugnassent, se Prætores videre. In edicto Ædilium: Quis in Arenam, depugnandi causâ, ad bestias intromissus fuerit. Sed An eâ voce & Circus veniat?*  
*nonne & Circus & Stadium, inquires, arenis strata? non & illa igitur in communionem admissa huius vocis? Strata: sed non admissa. caue credas. quotiensque Damnari in Arenam, Arenâ mitti, taliaque in Non videri.*  
*Iurisconsultis siue Historicis legis, cautè accipias de ferro tâtum, aut cultro. id est, Gladiatoribus, aut Venatione. & magis pro istâ. Imperator quidem clarè discriminat ecce à Circo, lege VIII. C. De repudiis: Nec villo modo uxorem expellet nisi adulteram, vel Circensibus, vel Theatralibus, vel Arenarû spectaculis se prohibente gaudentem. In quo usum quemdam sermonis obtinuisse potius, quàm rationem non infitebor. Ab hac stirpe Arenarij, qui in arenâ depugnant. Symmachus: Dies muneris nostri tempori admouetur: cui largitas candidati sola non sufficit, si lautioribus Arenariis deseratur. Arcadius Iurisconsultus: Si ea rei conditio sit, ubi Arenarium testem, vel similem, admittere cogimur. id est, Arenâ alterutrâ pollutum: ideoq. infamem. Tertullianus:*

*\* Id est, utriusque muneris.*

*Arenarij qui dicuntur.*



\*Vulgò scri-  
bunt, *viris*  
*animas, fe-*  
*minis aut*  
*illis*

Tertullia-  
nus decla-  
ratus.

Et correctus.

tullianus. *Scenicos Xysticos, Arenarios illos amentissimos, quibus viri animas, foeminae autem illis etiam corpora sua substernunt.* Ita scribendus indubiè is locus: & significat pius & seuerus noster Censor, insaniisse in hoc genus hominum non vnam Faustina. Nimirum, vt poëta ait, — *ferrum est quod amant*: imò telum. Nec alia, quod sciam, loci huius nomina. Nam eiusdem Tertulliani illud inuolutum, libello de Spectaculis, cap. x i i. emendatione verâ euoluo. Legunt vulgò: *Quid ego de horrido loco dicam quem nec periuria sustinent? Pluribus enim & asperioribus nominibus Amphitheatrum consecratur, quàm Capitolium omnium demonum templum est.* Frustrâ quæras hæc nomina. Scribo igitur, & distinguo: *asperioribus numinibus Amphitheatrum consecratur, quàm Capitolium. Omnium demonum templum est.*

## CAPVT IV.

*Ex occasione, de diis quibus Amphitheatrum sacratur. Diana inprimis. Joui Latiari, siue Diti. item Saturno. Ara Iouis in Arenâ. Macellatio ad eam stata vnus è bestiarius. Tertulliano ac Minutio lux.*

**Q**UOD vt tibi liqueat: nō defugiam breuiter ea commemorare, quoniam id quoq. ad lucem huius rei. Dedicabant inprimis locum & ludum hunc Dianæ. Tertullianus: *Martē & Dianam vtriusque ludi* (Gladiatorium & Venatorium designat) *præsidem nouimus.* Cassiodorus, magis distinctè, sacrat Dianæ Tauricæ. *Spectaculum*, inquit, *tantum fabricis clarum, sed actione teterrimum, in honorem Scythicæ Dianæ repertum,*



reperit, quæ sanguinis effusione gaudebat. Nec ab aliâ causâ, Dianam pro ipsâ Venatione amphitheatrali Martialis posuit:

Diana, pro ipsâ Venatione amphitheatrica.

*Inter Cæsareæ discrimina seua Dianæ.*

Sed & Ioui sacrabant, siue Latiari, siue Stygio. De illo, Tertullianus Apologetico: Ecce in illâ religiosissimâ Æneadarum vrbe est Iupiter quidam, quem ludis suis humano sanguine proluunt. Sed bestiariorum, inquitis. Opinor hoc minus, quàm hominum. Idem scriptor, aduersus Gnosticos: Sed enim Scytharum Dianam, Gallorum Mercurium, Afrorum Saturnum, victimâ humanâ placari apud seculum licuit. Et Latio ad hodiernum Ioui mediâ in vrbe humanus sanguis ingustatur. Minutius Felix: Iupiter cùm Hammon dicitur, habet cornua: & cùm Capitolinus, tunc gerit fulmina: & cùm Latiaris, cruore perfunditur. Stygium siue infernalem interpretari eum videtur Prudentius:

Iupiter Latiaris.

\* Ideo, mediâ, quia Titi Amphitheatrum in vrbe mediâ. ut infra doceo. Siue Stygius.

*Quid pulvis Caueæ semper funebris? & illa*

*Amphitheatralis spectacula tristia pompæ?*

*Hæ sunt deliciæ IOVIS INFERNALIS, in istis*  
*Arbiter obscuri placidus requiescit Auerni.*

Et aram imò Ditis in Amphitheatro positam agnoscere, quæ sanguine hoc perfusa.

*Funditur humanus\* Latiari, in munere sanguis;*

*Confessus quæ ille spectantum soluit ad A R A M*

*P L V T O N I S fera vota sui. quid sanctius A R A*

*Quæ bibit egestum per mystica tela cruorem?*

Quinimò ex Minutio colligas, solemne quoddam ibi hominis sacrificium fuisse, velut ad committendos ludos. Ait: Hodie quæ à Romanis Latiaris Iupiter ho-

\* Ita distinguo & capio, non ut munus Latiare appellet: sed ut Ioui Latiari sum sanguinem in munere velit.

Maestatio horrida, nec Romanorum cultu digna.

C

micio



Tertulliani  
correctio.

iniduo colitur, & quod Saturni filio dignum est, mali & noxij hominis sanguine saginatur. Mali, inquit, & noxij hominis. id est Bestiarij. Itaque labor ut in Tertulliani loco, quem primitus adtuli, cum melioribus libris legā: *Sed bestiarij, inquit. Opinor hoc minus, quam hominis.* Sed præter hos deos, Saturnus etiam in partem venit huius tutelæ. Lactantius ita adserit, ex sententiâ Sennij Capitonis: *Venationes & que vocantur Munera, Saturno adtributa sunt: ludi Scanici, Libero: Circenses, Neptuno.*

## CAPVT V.

*Quando prima Amphitheatra cœpere. Videri serò irrepsisse: idque statim post Venationem. Sed lignea primò fuisse. mox è lapide, Statilij Tauri. Augustum deditum Venationibus. Dio correctus. Antiquariorum error in loco Tauriani Amphitheatri.*

Ortus Amphitheatrorum non liquidus.

\* Quas primo lib. 1. De Venat.

Curionis versatilis moles.

DE impiâ vanitate, fatis. ad locum describendum redeo: cuius primum ortum & quasi natalem diu quæsiui frustra. Non enim magis clarum, quando Amphitheatra hæc instituta, quam quando Venatio ipsa. Quam posteriorem Gladiatoribus esse, & in Circi sede diu hæsisse: inducor non vanis\* coniecturis. Nata tamen Amphitheatra, nisi fallor, haud diu ante tempora reip. desidentis. & quidem temporanea primum, & è ligno. Ita Curionem (illum Tribunicium dico, qui tuba belli civilis) ligneam molem exstruxisse, quæ diducta, duo Theatra redderet, iterumque Amphitheatrum vnum, conducta, Plinius refert libro x x x v i. Et in Dione lego, Theatrum



trum quoddam è ligno extructum, corruisse cum multorum clade. Verba enim eius sic rescribam, libro XXXVII. \* Καί π καὶ θέατρον πρὸς πανήγυριν πνα ἐκ ξυ-

λῶν ἀποδομημένον ἀνέβη, καὶ ἀνέθετο παμπληθεῖς ἀπώλων. non vt vulgò, ἐκ ξύλων. ex quo interpretes nescio quid perplexi expedit siue impedit potius, *ad ludos de Syris.* Sanè valdè recepta & crebra, Spectacula hæc lignea. quod Vitruuius etiam suggerit, libro v. *Dicit aliquis fortè, multa theatra Romæ facta quotannis, nec ullam rationem harum rerum in his fuisse. sed errabit in eo, quòd omnia Publica LIGNEA theatra tabulationes habent complures, quas necesse est sonare.* Et Cæsar ipse Iulius, iam Dictator, Amphitheatrum ligneum exstruxit in campo Martis: quod Dio Cassius ad significare videtur fuisse inuenti noui. Libro XLIII. \* πολλὰς, inquit,

καὶ παντοδαπὰς ἀγῶνας ἐθηκε, θέατρον π Κυνηγετικὸν ἰκρυάσας, ὃ καὶ ἀμφιθέατρον (ἐκ τῆς πέριξ πανταχόθεν ἰδέσθαι ἀδύσκατον) προσερέθη. Dixi ligneum, quia Dio verbo

utitur ἰκρυάσας: & quia postea memoria eius nulla. At sub Augusto, & Venatio valdè iam increbuit, & increuit eius dignitas. Siue vnà cum opibus augescante luxu: siue potius, quia ipse Princeps valdè in

hunc ludum pronus. Victor de eo: *Quodque est lati vel ameni animi, oblectabatur omni genere spectaculorum,* PRAECIPVE FERARVM incognitâ specie & infinito numero. Et ipse Augustus in lapide Ancyrano fatetur, Venationes se dedisse, QVIBVS. CONFECTA. SVNT. BESTIARVM. CIRCITER. TRIVM. MILLIVM. ET. QVINGENTA. Itaq. statim Venationi tunc reperta propria & mansura domus. Amphithea-

\* Atqui & theatrum è lignis ad ludos quosdam factum collapsum est, & plurimi mortales perierunt. Coniectura in Dione. Lignea theatra & amphitheatra crebra. Iulius Cæsar exstruxit.

\* Multos & varios ludos instituit, Visoriam quoddam è tabulis & montibus compegit: quod & Amphitheatrum (ex eo quidd unde quaque sedilia sine scapâ vllâ haberet) appellatum est. Augustus fautor Venationi cruenta. Quot feras dedit suis muneribus.



\* Anno vrbis  
DCCXXV.  
Tauri lapi-  
deum Am-  
phitheatrū.

\* Martianus,  
aliquē  
Archæologi  
nostri, hīc  
archæi.

Caligulæ  
imperfectū  
spectaculū.

Neronis itē  
nō diuturnū.

\* Castrense  
Amphithea-  
trum, cuius  
ruina hodie  
Roma.

Correctus  
leuiter Pli-  
nius.

phitheatrum \* exstructum è lapide, Augusti suasu, Statilij Tauri opibus & sumtu, in campo Martio. De quo Dio libro L i. ὁ Ταῦρος Στατίλῳ θεατρὸν τι ἐν τῷ Ἀρείῳ πεδίῳ Κωνσταντίνῳ ἔδωκε καὶ, ἐξέποιήσε τοῖς ἐαυτῇ τέλει & κα-  
θήκετο. id est: *Statilius Taurus in campo Martio theatrum quoddam Venatorium, lapideum, & struxit suis impensis, & dedicauit.* Ait Dio disertè ἐν τῷ Ἀρείῳ πεδίῳ. \* Anti-  
quarij igitur nostri quomodo non errant, qui locant id in monte Cœlio? Præsertim cū & Victor in de-  
scriptione summariâ vrbis, pariter ponat in regione I X. Circi Flaminij: sub quâ Martius campus. Hoc solum primumque lapideum Amphitheatrum Ro-  
mæ fuit, ad tempora Vespasiani. Nam quod Caligula struere cœperat apud Septa, Claudius omitti voluit, Suetonio narrante in Calig. cap. XXI. Et quod Nero postea magnificum in campo Martio erexit, fuit saltem è ligno. De quo Tacitus libro XIII. An-  
nal. & Suetonius in Ner. cap. XII. Fateor & Ca-  
strense quoddam Amphitheatrum fuisse, Regione \* Esquilis: quod P. Victor commemorat: sed cuius structor mihi irreperitus. nisi si is Tiberius Imp. fuit, qui idem struxit & Castra. Pōpeij Amphitheatrum nullum: nec Plinius tibi imponat libro XXXVI. cap. XV. vbi, *Pompeij Amphitheatri*, aperto librariorum errore leges, pro, *Pompeiani theatri*. Quod non monerem, nisi præteritum etiam Herimolao.

CAPUT



## CAPVT VI.

*Tauri Amphitheatrum exustum, & reparatum. Aliud maius à Vespasiano structum. vrbe veteri mediâ. Suetonius correctus. Fortasse & Victor. Titus dedicauit id opus. postea collapsum, & saepe instauratum.*

**S**TATILII ergo illud in multâ famâ, & vsu: donec am bustum sub Nerone. Xiphilinus admonuit, vbi de magno illo incendio: τὸ τε Παλάτιον τὸ ὄρος σύμπαν, καὶ τὸ διαζῶν τῇ Ταύρῳ ἐκείνῃ: id est, Mons Palatinus vniversus, & Theatrum Tauri exustum. Et quamquam restitutum postea: (Victor id suadet, qui ponit inter opera, quæ æuum ferebant suo æuo:) tamen quia incendio illo informius redditum & infirmius, occasio data Vespasiano & cupiditas struendi noui. Struxit, & quidem vt Suetonius ait, in mediâ vrbe: hoc ipsum, Lipsi, quod insistimus, quod manu oculisque tangimus: & quod iure miremur iniuriis restituisse tot annorum, tot bellorum. Ego interrompens, Sermonis mihi venia sit, inquâ. Hoc illud, ais, quod vrbe mediâ? Valdè erras. Oculis hunc vrbis ambitum, siue petticâ metire: à latere propius aberit, quàm ab umbilico. Florentius, Poincærium te decipit adolescens, inquit, nouæ vrbis: quod ab Aureliano, & post illum est. At veterem finitionem & limitem si inspicis: nihil verius Suetonij notâ. Cuius ipsa verba referre mihi pretium, vt emendem. In Vespas. cap. IX. Fecit Amphitheatrum vrbe mediâ, vt destinasse compererat Augustum. Amplissimos ordines & exhaustos cæde variâ & contaminatos veteri

Causa noui Amphitheatri.

Quod vrbe mediâ Vespasianus cepit.

\* Qui campum Martiū inclusit.

Labes elota in Suetonij verbis.



Solus Senatus, ordo amplissimus. Quando Vespasianus cœperit.

Titus id absoluit.

Victoris parum clara aut certe legio.

Durus ipse, & ferrei styli scriptor.

*negligentiâ, purgavit supplevit que.* Scribo & interpungo: *amplissimum. Ordines.* Amphitheatro enim data laus & titulus, Amplissimi: non Ordinibus. è quibus soli Senatui cōuenire eum scio, nec tributum Equiti unquam. Struxit autem Vespasianus in consulatu suo octauo: id est, vix biennio, ante vitæ finem. Inducor à Nummo, cuius inscriptio: I M P. CAESAR. VESPASIAN. AVG. COS. VIII. P. P. & parte alterâ, expressa hæc Amphitheatri figura. Itaque cœpit opus ipse, non absoluit: struxit, non extruxit. At Titus filius summam manum imposuit, idemque dedicauit. Duorum ergo Principum opus: ideoque non malè Sex. Rufus qui ambiguit inscripsit, *Flauij Amphitheatrum.* etsi fama & vulgus Tito magis adiudicarit: siue fauore quodam in illum, siue potius ex Romano ritu, quo receptum opera censeret à dedicante. Non satis consideratè igitur Eutropius & Casiodorus, qui fecisse Titum id autumant: magis Aurelius Victor, qui perfecisse. *Biennio post, inquit, ac menses ferè nouem, Amphitheatri perfecto opere, lautusque veneno interiit.* Vbi Lauti vox meis naribus parum elauta. quam enim habet sententiam? scribamque libens, *Amphitheatri perfecto opere, Lautibusque: vel, Lautiisque.* Censeo enim duo opera commemorari ab eo Titi, Amphitheatrū & Thermas. Quas infrequenti nomine Lautus adpellat: vti Festus Lautulas, *Loca vbi lauandi vsum exercebant.* Durum hoc mihi ipsi videretur, nisi Victorem cogitarem, & reliquam eius, adfectatæ nouitatis, phrasim. Atque hi duo soli Principes fecere, alij refecere, cum casu aliquo læsum,



sum, aut igne. Inter eos M. Antonius Pius, vt refert Capitolinus: *Opera eius, inquit, Romæ hæc exstât. Templum Hadriani, Græcostasium post incendium restitutum, instauratum Amphitheatrum.* Item Eligabalus, Lampridij testimonio: *Amphitheatrum ab eo instauratum post exustionem.* Denique Senatus ipse eam tuitionem suscepit, sub Gordianis. Capitolinus: *Quid enim opus est de restitutione templorum, de thermis Titianis, de ædificatione Amphitheatri agere? Ita multorum curâ, & Genio quodam Perennitatis, peruenire tanta machina potuit ad hoc æui.*

Multi referunt Amphitheatrum.

\* Quæ nescio an in Agellio restituenda sint, lib. 111. cap. 1. Apud balneas Titianis, non autem Sittias, ut libri. Nec tamen adfirmo.

## CAPVT VII.

*Communis Amphitheatri Titiani forma. Altitudo, & capacitas eius. Laus & præconia. Denique ubi situm. Martialis explicatus.*

**V**ERE enim grandis. Altitudinem hanc vides? nunc quoque miranda est: etsi multum à vertice eius corruit, multum à pedibus subsedit. Amminianus de eâ: *Amphitheatri moles solidata lapidis Tyburtini compage, ad cuius SUMMITATEM AEGRE VISIO HUMANA CONSCENDIT.* Vides hunc orbem? is quoque capax: & supra tuam fidem. P. Victor: *Amphitheatrum, inquit, quod capit loca LXXXVII. 00.* Et de gradibus tantum intellegit, credo: in quorum puluillis sedisse cõmodè vult octoginta septem millia hominum. At in ambitu illo superiore & circumiectis porticuum Aulis, non minus item spectarunt quàm dena aut duodena millia: siue stantes, siue in allatis cathedris sedentes. Iure ergo molem hanc

Altitudo Amphitheatri.

\* Nam mole & auro, magna hac pondera clare desident, terra cedente. Adde aggerum ruinarum.

Capacitas caueat gradilis.



Ambitiosa  
fatis laus, à  
Cassiodoro.

hanc admiratus Cassiodorus, in hoc eulogium erupit: Hoc Titi potentia Principalis, diuitiarum profuso flumine, cogitauit edificium fieri, vnde CAPVT VRBIVM potuisset. Et Martialis ante opera omnia orbis ponit, historica, non poetica fide:

A Martiali  
item.

*Omnis Casareo cedat labor Amphitheatro:*

*Unum prae cunctis fama loquatur opus.*

Intellegit enim hoc Titianum: nec ad Domitianum illa, aut de Domitiano, vt alucinatur interpretum vulgus. Doctorum Curia mecum scit, non ista solum, sed totum Epigrammatum primum libellum in Titum conuenire & eius ludos: quos in dedicatione huius Amphitheatri exhibuit per dies panè \* centum. Idem poeta, venerabilem molem appellat.

\* Xiphilinus  
auctor.

*Hic vbi conspici venerabilis Amphitheatri*

*Erigitur moles, stagna Neronis erant.*

& simul locum praet, in quo hoc opus destitutum. qui pars fuit Neronianae domus. Sub has laudes exclamaui ego, iam ardeo Florenti, ardeo. restingue hunc ignem: & sigillatim mihi explica veterem germanamque faciem huius loci. Florentius, Non inuitus, inquit. scio enim (praeter ingenuam delectationem, quae hinc adiuncta) nihil magis facere ad illustrandam rem omnem spectaculorum. Quorum cum tam crebra mentio in omni genere scriptorum: cur fugiam tenebras tuas pellere exigui sermonis face? Audi igitur. describam tibi omnem interiorem hanc molem, imò depingam: & quidem, quo magis capias, per partes. Bene enim olim Corynna ad Pindarum: \* *Manu ferendum esse, non sacco toto.*

\* οὐκ ἐν σακκῷ  
ἀλλ' ἐν χειρὶ  
καλῇ  
ἔσθαι  
δύναται.

CAPVT



## CAPVT VIII.

*Ingressio in particularem Amphitheatri descriptionem.  
Primum de formâ eius: quæ Ovalis ostensa. (Culpu-  
nius & Dio explicati. De solo Arenæ: in quo cloacæ  
siue specus. & cui rei. Item de Portulis.*

**S**ED vñne admoueamus nos paullùm ad inferio-  
rem hunc parietem, vbi vmbra? Imò sedeamus  
etiam, si ita visum, inquam, in graduũ his fragmen-  
tis. Simulq. fedi ego. & ridens, ad Florentium, Quis  
scit, inquam, si locum nunc non premâ magnæ ali-  
cuius vmbrae? Florentius se quoq. iam collocans, Id  
quidem facile, imò necessum est, inquit. Nam ad  
podium sedemus, & in Orchestrâ. heu, quot hîc  
olim Senatores? Sed specta.

Arenæ huius primum, siue caueæ totius forma,  
non rotunda & orbicularis prorsum est, vt oculi tibi  
possint imponere: sed porrecta magis patillû, & ob-  
longa. Dimensio id adprobat: ratio ipsa operis: quia  
Amphitheatrum iunctum & factum ex duobus  
Theatris, reiectâ scænâ. At Theatrũ non iusti hemi-  
cycli formâ, sed amplius diametri quartâ parte fuit: vt  
etiam nunc ostêdit figura reliqua Theatri Marcellæi.  
Ex integro enim circuli ambitu, quartam partem si  
abscindis: quod maius eius reliquum est, scito Thea-  
trum id fuisse. Atqui ex iis, duo si iungis (ita tamen  
vt flexas lineas circa abscissionem, dirigas, vel po-  
tius extrâ leuiter flectas) Amphitheatrum habebis.  
Ad compositionem hanc & figuram Cassiodorus  
prælucet: *Cum Theatrum, inquit, quod est hemisphæ-*

Ratio fabri-  
candi Am-  
phitheatri.

Theatri  
ipsius quæ  
forma.

Duo Thea-  
tra iuncta  
Amphithea-  
trum exhi-  
bent.

D

rium,



\* Ita vertit  
Theatra. nec  
improprid  
aut durè.

rium, Græcè dicatur: Amphitheatrum quasi in vnum iun-  
Sta duo \* Visoria, rectè constat esse nominatum. Item Isi-  
dorus: Amphitheatrum dictum, quòd ex duobus theatris  
fit factum. Nam Amphitheatrum rotundum est, (non id  
quidem planè verum) Theatrum verò ex medio Amphi-  
theatro est, semicirculi figurā habens. Ovidius clarissimè:

—structoque utrimque teatro,

Vt matutinā ceruus periturus arenā.

Oui formā  
hac loca,

Ouo aptissimè comparat idem Cassiodorus: Oui spe-  
ciem, inquit, eius arena concludens, vt concurrentibus ap-  
tum daretur spatium, & spectantes omnia facilius vide-  
rent: dum quedam PROLIXA ROTUNDITAS  
vniuersa colligeret. Itemque Calpurnius in Bucolico,  
de Venatione Carini:

Et geminis medium se molibus alligat ouum.

Calpurnius  
illustratus.

Nam geminas moles, duo theatra intellegit: eaque  
alligari vult in ouum. Qui aliter explicant; circum-  
ludunt sententiam poetæ, non tangunt. Idem cum  
valle comparat, quæ cincta vndique supino monte:

Qualiter hæc patulum vallis contendit in orbem,

Et sinuata latus, resupinis vndique siluis,

Inter continuos curuatur concaua montes:

Sic tibi planiciem curue sinus ambit Arenæ.

Amphithea-  
trum valli  
cinctæ in or-  
bem monti-  
bus compa-  
ratum.

Nec versibus iis aliā luce opus, nisi si apud elucum.

Dio Cassius idem voluit, cum montem quemdam

cum Amphitheatro componit: ὥς, inquit, κυνηγετικῶν

θεάτρων τὸ ὅμοιον σύμπαν, ὥς μικρὰ μεγάλους εἰκάζει, εἰσφέρειν: .i.

Ut venatorio teatro (parua magnis comparando) vniuer-

sus mons similis esset. Habes vniuersi huius caui for-

mam; nunc arcam vide. Ordiam enim cum archite-

cturis

Arenæ area  
gota libera.



Eturis ab imo solo. Ea pura, sine substructionibus aut ædificiis, libera tota ad cursum ferarum & ad pugnam. Excipio quod in eâ alibi (partem enim non designo) Ara fuit è lapide: illa dico cruda Ara, quæ sacra Ioui Latiari. Prudentius id te docuit: si versus eius audisti non iacenti aure. Iam sub ipsâ areâ, cloacæ. Ita credere me iubet\* Andreas Fulvius: qui magnam etiam partem ædificij tolerari ab iis vult & sustineri. An ipse, an alius viderit, nescio: si vera traditio, ambigam, fuerintne reipsa cloacæ ad exsugendum educendumque humorem illum\* stagnorū, providè structæ: an potius camerae quædam & specus subterranei, ad custodiam & receptum ferarum, quas tamen illi indiligenter cloacas censuerunt. Siue etiam ad usum aquarum, quas in Arenam occultè & subito inducebant atque educebant, ad Naumachias. Certè cum ferina magna vis cotidie in Amphitheatrum induceretur: quæri dignum est, quo loco eæ habitæ aut servatæ. Non enim omnes simul emissæ. Si in ipsâ areâ vspiam: artarint locum. si extrâ: quomodo eæ statim perductæ, aut quæ ad manum? Mea quidè opinio sit, partim subterraneos cauos fuisse, in quibus recondentur sub ipsos ludos: partim depositas eas in caueis sub interiore istâ porticu, è quâ portulæ & aditus plures pertinent in Arenam. Non tam clarè eas Portulas hîc vides (omnia enim hæc ruinis aggesta & obruta) sed Veronæ clarissimè: ubi utrimque\* octo, nisi fallor, sub ipso isto Podij muro. At non eæ certè ad spectantium usum: quia in Arenam tantum conducunt, non ad subsellia aut gradus. D. 2.

Nisi quod  
Ara in eâ  
Ioui.

Cloacæ sub-  
terraneæ.

\* Lib. 1. De  
mirabilibus  
Vrbis.

Ad quem  
usum eæ  
fuerint.

\* Nam in  
stagnis Ne-  
ronis structæ  
Amphithe-  
trum.

Feræ quomodo  
modo sub  
ipsam pugnam  
adfer-  
uatæ.

Portulæ in  
imo muro.

\* Duæ enim  
alia aduersa:  
inter se, sed  
grandiores  
& vera por-  
ta.

CAP.



*De Specubus subterraneis, amplius. item de Caueis in Amphitheatris. Liuij defectus aut expletus, aut sententia eruta. Portæ in caueis, & Plauto lux. Emissio ferarum, & inmissio.*

**E**t de Specubus quidē siue cryptis, valdē sententiā meā iuuat Cyriacus Anconitanus, qui maiorū æuo Itinerarium scripsit. In quo de Amphitheatro Veronensi, sic tradit: *Et nunc conspicitur locus rotundus Arena, per totum magnis saxis vndique structus, & vt ita dicam perfilatus. cū intus CVBATIS & ANTRIS multiformiter redimitus sit.* Sicut de Caueis, Liuius libro XII. loco prorsus quidem fracto & mutilo, sed ex quo tamen non obscurē elicio quod facit istuc. Ait de Censoribus, locasse eos faciendos *carceres in Circo, & oia ad notas curriculis numerandas, & dam, & metas trans* & CAVEAS FERREAS *pe intrmitterentur* In Circo, vt scimus, olim Venatio exhibita, ante Amphitheatra. itaque huic fini ait Liuius Caveas ferreas exstructas, per quas bestię (ita enim sententiam fuisse suspicor, si non verba) intromitterentur in Arenam. Nec de aliis Caueis Statius I. I. Silu. in Leone mansuetor:

— stat cardine aperto  
*Infelix Cauca, & clausis circum vndique portis  
Hoc licuisse nefas pauidi timere Leones.*

Vbi nota mihi & Portas. quæ vel Cauearū sunt: vel potius istæ Amphitheatrales, de quibus dissero. Certē apud Plautum etiam Portæ in Circo ad bestias emittendas, in Persâ:

*Vbi*

Caueæ prima  
est ferro,  
quando?

Liuij fracta  
verba, ad  
eam rem.

Statius ex-  
plicatus.

Portæ in ca-  
ueis.

Plautus ex-  
plicatus.



*Vbi quid credideris, citius ex templo à foro*

*Fugunt, quàm ex portâ ludis cùm emissus est lepus.*

Quem locum totum silentio premit vber alioqui interpres: qui (fatendum est) non lucem, sed umbram sæpe facit nostro Umbro. Ostia videtur Varro appellasse, De Re rust. *Ostium habere debet humile & angustum, & potissimum eius generis quod cochleâ appellant.*

*Leuiter Varro correctus.*

*ut solet esse in caueâ, in quâ (verius fortassè, è quâ: non enim certè in ipsa Caueâ pugnabant. nisi si Caueam capit, pro Amphitheatro) tauri pugnare solent. Atque ex his Caueis cum impetu quodam mittebantur in Arenam.*

*Vopiscus in Probo: Neque erat bestiarum impetus ille, qui esse Caueis egredientibus solet. ita enim verè & acutè emendauit olim laudatissimus ille Faber.*

*Emittere festas.*

*Capitolinus in Gallienis: Cùm quidam gemmas vitreas pro veris vendidisset uxori eius, surripi quasi ad leonem venditorem iussit. deinde Caueâ caponem emitti. Emittebantur ergo Caueis, iterumq. in eas immittebantur post pugnam.*

*Item immittere.*

*Seneca de Irâ: Curriculi rotarumq. versata facies leonem redigit in Caueam. Sed & Portulas easdem ad hunc usum accommodare Vopiscus videtur, qui Aditus appellat. In Probo: Immissi deinde per omnes Aditus struthiones mille, mille cerui, mille apri.*

## CAPVT X.

*Aliter atque aliter solere ornari hanc Arenam. in modum silue, in modum maris. Antra pro Caueis: interdum Naues. Vopiscus, Apuleius, Calpurnius emendati.*

**A**TQUE hæc solens & vulgata Arenæ facies: cui nō nego comptum aliquē nouitium sæpe additum,



Ambitiosa  
Editorum  
inuenta.

Arbores in  
arenam in-  
lata.

Vopisci cor-  
rectio.

Capitolinus  
explicatus.

\* Munera  
enim pingi  
solere, docui  
lib. 11. Satyr.

ditum, & colorum quosdam fucos. Varia enim cot-  
tidie ab ambitiosis Editoribus excogitabantur, vt  
studia spectantium allicerent lenocinio quodam no-  
uitatis. Ita fuere, qui arboribus hoc planum conse-  
rerent, & Arenam totam verterent in siluam. scilicet  
vt viuam imaginem exhiberent veræ germanæque  
Venationis. Audax inuentum. & quod non melius  
tibi expresserim, quàm ipsis Vopisci verbis, in Probo:  
*Venationem amplissimam dedit, ita vt populus cuncta di-  
riperet. Genus autem spectaculi fuit tale. Arbores validæ  
per milites radicitus pulsæ, connexis longè lateque trabibus  
adfixæ sunt. terra deinde superiecta: totusque Circus ad sil-  
uæ confitus speciem, gratiam nobis viroris obtulit. In quâ  
extremâ clausulâ censeo legas, gratiam noui viroris.*  
Quomodo enim, nobis? nec Vopiscus ipse certè inter  
spectatores fuisse significat: quod abnuat ætas. Neq.  
tamen gratia aut laus huius inuenti penes Probum:  
reperio Gordianum iam antè factitasse idem etiam  
priuatum. Capitolinum nō aliter accipio, vbi de ma-  
gnificis eius muneribus in Quæsturâ: *Feras Libycas  
vno die centum exhibuit, vrsos vno die mille. Exstat silua  
eius memorabilis, quæ picta est in domo rostrata (n. Pom-  
peij, quæ ipsius & patris eius & proauis fuit. Sed & in  
Titi spectaculis tale aliquid indicat Martialis:*

*Quidquid in Orphæo Rhodope spectasse Theatro  
Dicitur, exhibuit Caesar arena tibi.*

*Reperunt scopuli, mirandaque silua cucurrit  
Quale fuisse nemus creditur Hesperidum.*

Imo æmulabantur id iam in prouinciis: atque Apu-  
leius in muneris Corinthiaci apparatu describit. *Erat,*  
inquit,



inquit, *mons ligneus adinstar inclyti montis illius quem  
vates Homerus fœdum cecinit, sublimi instructus tabulâ,  
(liber scriptus quem à Gisellino meo sum nactus, Apuleius  
instructus fabricâ, rectius refert) confitus viretis &  
VIVIS ARBORIBVS, summo cacumine de manibus  
fabri fonte manante fluuiales aquas eliquans. Nec in  
solo solùm hæc variatio, sed in Caucis ipsis. qua-  
rum loco inuenerunt antra quædam coëuntia &  
decœntia, quæ velut è terrâ emitterent subitò feras.  
Calpurnius hoc voluit, cùm in Carini Venatione ti-  
midè miratur:*

*Ab miseri, quotiens nos descendens arena  
Vidimus in partes? ruptaque voragine terræ  
Emersisse feras? & iisdem saepe latebris  
Aurea cum croceo creuerunt arbuta libra.*

Etsi legi ibi malim, *discedens arena*. vti & in Plinij Calpurnij  
de Curionis Amphitheatro, *discedentibus tabulis*. In- emendatio.  
tellegit enim, arte quadam & machinis, antra illa,  
velut hiatu terræ, & aperta celeriter & operta: iterum-  
que arbutis & virgultis tamquam crescentibus indu-  
cta. Quæ ipsa decora fuisse fatendum est, & blan-  
dientia sensibus imitatione quadam naturæ. At illud  
iam improbi acuminis, & nescias an exemplo quo-  
dam à sacrâ Noachi Arcâ. quod Nauim ædificare Naui ad  
grandem aliquam solent in ipsâ Arenâ, quæ solutilis vsum Ca-  
uicz.  
esset, & subitò luxata emitteret omne genus ferarum  
pro arbitrio magistri temperantis. Dio id scribit &  
narrat vbertim in Nerone: vult etiam exemplū ob-  
latum scelestæ illius nauis quâ matrē necaret, ab hac Neronis  
Amphitheatrali. Verba eius commemini: *ἡ τοῦ δὲ καὶ* quo exēplo  
captum.  
*ex tē*



ἐν τῇ προφανῇ οὐκ ἔστι τὸ ἔργον, καὶ κρύφα διὰ φαρμάκων ἐκ εἰχῶν  
αὐτὴν ἀνελθεῖν, ναῦν ἰδόντες ἐν τῇ ἀμφιθεάτρῳ διαλυομένην τε αὐ-  
τὴν ἐφ' ἑαυτῆς, καὶ πῶς θηρία ἀφείδον, καὶ σιωπῶντες αὐτὴν πάλιν,  
ὥς καὶ ἐρῶντες, τοιαύτην ἐτέραν τῶν χρόνων ἐναυπηγήσαντο. id est:  
Et quoniam eam cadem palam non audebant, nec venenis  
clam patrare facile id possent: navim quampiam in Amphi-  
theatro cōspicientes ita factam ut sponte solueretur, & bel-  
luis quibusdam emissis, rursus compingeretur & rediret in  
priorem statum, visum iis huic similem edificare. Nec mi-  
nus clarè in Seucro: τὸ δὲ δεξιμάκων ἀπάσης τῇ ἐν τῇ θεάτρῳ  
ἐς πλοῖα χῆμα κατασκευασθείσης, ὡς τετρακόσια θηρία καὶ δεξα-  
ντα καὶ ἀφείδαι ἀδρόως, ἔπειτα ἐξαίφνης διαλυθείσης ἀνέθορον  
ἄρκτοι, λέωνες, πάνθηρες, λείοντες, σκῆντοι, ὄναγροι, βίαιωνες, ὡς  
ἐπτακόσια τὰ πάντῃ καὶ θηρία καὶ βοτὰ ὅμει καὶ διαδρόντα ὁφθαλ-  
μοὶ & σφαλεῖ. id est: Receptaculum autem omnium fe-  
rarum in Amphitheatro exstructum erat instar navis: quæ  
capere simul & emittere posset ad feras quadringentas. Ea  
autem desubito occultè soluta, exsuebant vrsi, lea, panthe-  
ra, leones, struthiones, onagri, biffontes. Nec naues so-  
lūm eiusmodi induxere in Theatra, sed, quod magis  
admirare, quodammodo in mare ipsum. Repertum enim  
qui hoc omne rotundum, per occultos quosdam du-  
ctus & meatus, subito aquā repleant: & pro terre-  
stribus feris, monstra maris ostenderent, & classes, &  
navalem pugnam. Ei aquatum inductioni, fortasse  
nō aberret, qui subterraneos illos canales adtribuat,  
de quibus suprā. Carini Principis ludis id factum,  
visumque à se Calpurnius memorat:

Mare siue  
aque in Am-  
phitheatris.

Natantia in  
iis marina  
monstra.

Nec solūm nobis siluestria cernere monstra  
Contigit, aquoreos ego cum certantibus vrsis

Spectavi



*Spectavi vitulos, & equorum nomine dignum  
Sed deforme pecus.*

\* Hippopota-  
mos intelle-  
git.

Et diu ante illum Nero id vsurparat, Dione sic nar-  
rante: *Aliquando, inquit, belluis interfectis & Venatione  
exhibita, subito aquam in Amphitheatrum induxit, &  
nauale certamen ostendit. rursumque eâ eductâ, Gladiato-  
res in loco præbuit. demique inductâ iterum, magni sumptus  
publicum epulum. Nec aliter Domitianus, qui vt Sue-  
tonius ait, prælium equestre ac pedestre commisit: & in  
Amphitheatro, nauale quoque.*

\* De ingeniis  
istorum ho-  
minum Se-  
neca Ep. xxi.  
Qui Euri-  
pos subito  
aquarum im-  
petu impler,  
aut siccant.

## CAPUT XI.

*De muro qui Arenam cingit. de Podio quod super eum. eius  
forma. Dignissimum eum locum ad spectandum, Sena-  
tui adtributum, imò magistratibus. Aptum ad curules  
sellas. Principis ibi Suggestus, Tribunal prætoris: &  
Vestaliū sedes.*

**S**ED nōne extra litem eo, quod dicitur, extra-  
que oleas? Nam cum propositum mihi saltē na-  
tiuam genuinamque Amphitheatri faciem ostende-  
re, addo etiam ecce colorum fucos & pigmēta. & ve-  
reor, Lipsi, vt cum fastidio tuo. Meōne? inquam. Imò  
merum mel & nectar, Florenti, bibo in hoc sermo-  
ne. quem tu magis magisque sitienti mihi libera-  
liter infunde, & vt ille ait, *πίον μέλι*. Florentius  
renidens, E genere Parthorum tu quidem es, inquit:  
de quibus increbuit, Quò plus biberint, plus sitire.  
Sed educam te è siticulosâ hac arenâ, & ad Podium  
transibo quod adsidemus. Nam post Arenam mu-  
rus ecce iste occurrit, qui Podium sustinet, quique  
E claudit

\* Pingui lar-  
gâque men-  
surâ. Theo-  
citus.



Quid Po-  
dium.

claudit & ambit infimum hoc solum. Podium enim appello, proiecturam hanc quæ in summo muro, quæ paululum prouehitur & propendet instar pedis. Vnde & nomen. Mænianorum ea quædam species est: facta in theatris, templis, ædibus, ad circumeundum, innitendum, spectandum. Mediolani inscriptio vetus est: DOMITIANVS. PODIVM. CVM. LORICA. ET. ADITVS. VIVVS. FECIT. Salerni, alia:

T. TETTIENVS. FELIX. AVGVSTALIS

\* HS. L. M. N. LEGAVIT

AD EXORNANDAM. AEDEM. POMONIS  
EX. QVA. SVMMMA. FACTVM. EST. FA-  
STIGIVM.

INAVRATVM. PODIVM. PAVIMENTA.

MARMOREA.

Et de his ipsis theatralibus, alia: THEATRVM. STRAVIT. PAVIMENTO. PODIO. \* CIRCUMSCRIPSIT. Itaque vt clarè capias, non aliud Podium hoc nostrum, quàm muri par proiectior & prominentior ante imum spectaculorum gradum: cui columnæ impositæ ad ornatum, siue (cùm libèret) ad innixum. Vitruuius describit non obscure, magnitudine etiam expressâ, si attendis, libro v. cap. vii. vbi de Theatris: Podij, inquit, altitudo, ab librâ mēto pulpiti cum coronâ & Lysi, duodecima Orchestræ diametri. Supra Podium, columnæ cum capitulis & spiris, altæ quartâ parte eiusdem diametri. Cuius mens, vt, si Orchestra tota, in quâ Senatores, (pone eam esse graduum quattuor aut quinque) alta pedes xii: tum ipsum

\* Id est: Sc-  
firtium  
quingua-  
ginta millia  
nummum.

\* Bene Cir-  
cumscripsit:  
quia in or-  
beo circui-  
bat & in  
ambitum.

Magnitudo  
& ornatus  
Podij.

Vitruuius  
explicatus.



ipsum Podium vnus sit; columnæ eius, trium. Et addo, victoriolas etiam reponi solere in Podiis istis. Spartianus suadet in Seuero, vbi de Circi ludis: *Victoria*, inquit, *vento iecta de Podio stans decidit*. Et Dio Cassius agnoscit in Theatri scænis, libro L. cū refert inter prodigia, ventum tam grandem fuisse, *ὅς καὶ νικησὶ ἀγάλματι ἀπὸ τοῦ τοῦ θεάτρου σκηνῆς πεσεῖν*: id est, *vt & Victoria signum de scænâ Theatri deciderit*. Ad hoc Podium spectare soliti primi è Senatu. Nam cū Orchestra plurimum graduum esset, dignissimus habitus ille imus qui Podio proximus & Arenæ. quippe ex quo facillima spectatio. Iuuenalis:

Primi Senatorum ad Podium.

— generosior & Marcellis  
Et Catulis, Paulique minoribus, & Fabiis, &  
Omnibus ad Podium spectantibus.

Suetonius Aug. cap. XLIII. *Factum decretum patrum, vt quoties quid vsquam publicè spectandum proponeretur, primus subselliorum ordo Senatoribus vacaret.*

Primus, siue Imus. Ac nescio an inter ipsum Podium & Gradus spatij aliquid vacuum fuit latioris, in quo spectare soliti honorati. idque propriè, Ad podium spectare. Suadeor, quòd sellis curulibus spectasse quosdam reperio. vt Suetonius narrat de Augusto:

Spatij aliquid inter Podium & Gradus.

Sellis curulibus spectabant.

*Commissione ludorum quibus Theatrum Marcelli dedicabat, euénit vt laxatis sellæ curulis compagibus caderet supinus.*

Item, quòd sellas easdem honoris causâ positas absentibus, siue etiam mortuis. At sellæ eæ non est vt commodè posita in Gradibus ipsis fuerint, commodissimè in hoc plano. Credamque Consules, Praetores, aliosq. quibus id ius, in curulibus suis ad Po-

\* Dacui abg-  
de ad 11. lib.  
Annal. Tac.



Apparitores  
apud magi-  
stratus suos.

Suggestus  
in Podio.

Quis repperit.

Cubiculi  
formâ, & no-  
miac.

Suetonius  
explicatus,  
aliter atque  
vulgus.

Traianus  
Suggestum  
reclinauit.

dium sic sedisse, cum licitoribus, viatoribus, & magistratus sui pompâ. Tacitus hoc postremum ingerit libro XVI. Annal. cum præmia describit accusatorum: *Liberto & accusatori præmium operæ, locus in Theatro inter viatores Tribunicios datur.* ex quo necessum, fuisse eos bono honestoque loco, & iuxta Tribunos ipsos. Nec immerito. ut quisque magistratibus suis appareret. Nec magistratus solum ad hoc Podiû designator ego colloco, sed & Principem ipsum. cui tamen eminenter quidam Suggestus exstructus, & velut sua domus. Origo rei à Iulio Cæsare. quæ Suetonius, inter alios honores quos nimios recepit, admisisse ait *statuam inter reges, SUGGESTVM in Orchestrâ.* Secuti que Principes id tenuere, ut clarum ex eiusdem Suetonij Ner. cap. XII. *Icarus, ait, primo statim conatu iuxta CVBICVLVM eius decidit, ipsumque cruore respersit. Nam perraro præsidere: ceterum accubans primû paruis foraminibus, deinde toto podio adaperto spectare consueuerat.* Ex quo facile colligis Suggestum illum tectum & inædificatum fuisse, ad modici cubiculi formam. cui proprium etiam suum Podium (de eo enim, non de grandi illo Amphitheatrali necessario Tranquillum capis) quod ostiis quibusdam sine fenestris, Arenam versus aperiretur. Plinius hunc morem satis illustrat, laudatione ad Traianû: quem commendat, quia ciuilitet sustulit. *Digna, inquit, viatore populo sedes* (de Circo sermo est) *visenda cum ceterâ specie, tum quod æquatus plebis ac Principis locus: Si quidem per omne spatium vna facies: nec magis proprius spectandi Cæsari SUGGESTVS, quam propria quæ spectet.*



*Etet. Licebit ergo ciuibus tuis inuicem contueri, dabitur non*  
*CVBICVLVM principis, sed ipsum cernere, in publico,*  
*in populo sedentem. Sed præter hunc Suggestum, ad*  
 Podium etiam Tribunal Editoris. Cùm enim aliis  
 honoribus, vt lictoribus & veste prætextâ, insignes  
 voluerint eos esse qui ludos exhiberent, tum etiam al-  
 tiori hac sede, in quâ præsiderent. Suspicio ex Sue-  
 tonij Augusto: qui *Virginibus Vestalibus*, inquit, *locum*  
*in Theatro separatim, & contra Prætoris TRIBUNAL*  
*dedit.* Nam quòd Prætorem nominat, eò est, quòd  
 plerumque ludos ij exhibebant. At quin aliis etiam  
 Editoribus is honos & is locus, non ambigo. Ad hoc  
 Tribunal refero, quòd Vitruuius in *omni pusillo &*  
*magno Theatro fieri vult itinera, ascensus, pulpita, TRI-*  
*BVNALIA.* lib. v. cap. vii. Quod verò ad Po-  
 dium ea sedes, cùm ratio euincit, tum Suetonius qui  
 ex aduersum collocat Vestales. Eæ autem ad Po-  
 dium. Prudentius:

Tribunal in  
Podio.

Vestales ibi-  
dem.

*An quoniam Podij meliore in parte sedentes*  
*Speñant, eratam faciem quàm crebra tridente*  
*Impacto quatiant hastilia.*

## CAPVT XII.

*Quod tutamen infimo illo Podio fuerit à feris. Retia solere*  
*præteni, benè nexa, benè firma. Versatilia item*  
*quedam ligna: Cancellos ferreos & Euripos. Sudatum*  
*in Calpurnij versibus.*

**E**t de Podio quidem hætenus. Transeo. Imò  
 mane, inquã ego, mane. Magnus mihi hic me-  
 tus. Circumspectus Florentius, velut quærens. Sed ego



cum risu, Non pro me, ne erres, inquam: sed pro  
 consulibus & hoc omni Senatu Romano. quos tu  
 quidem in Podio collocas, id est, in ipso ostio orci.  
 Quomodo enim hîc tuti à feris? quis leo, quæ pãthe-  
 ra illos non inuadat, tantillo ab Arenâ interuallo?  
 Iam si elephas aliquis. heu! Risit hîc largiter Floren-  
 tius: &, ô te hominem albo epate! inquit. profectò  
 mater tua numquam flebit. Quid tamen hîc pericu-  
 li? Murus iste quem vides, quique Arenam diuidit,  
 scito altiore fuisse nō paullò quàm pro aspectu. Ipse  
 corruit, & subsedit, & rudera aream alleuarunt. Non  
 minus certè olim altitudinis habuit, cum hoc Podio,  
 duodenos quindenosue pedes. Quæ fera hunc tran-  
 siliat? Et tamen contra inopinatos quoque casus, sci-  
 to à catis illis prouidè prouisum. Nam primùm re-  
 tia valida, nodosa, in orbem vndique Podium hoc  
 cingebant. Plinius ea intellegit libro x x x v i i. de  
 Neronis quodam munere: *Tanta, inquit, copia succini*  
*inuenta, vt RETIA ARCENDIS FERIS PO-*  
*DIUM PROTEGENTIA succino nodarentur.* Et  
 Calpurnius, qui retia illa in Carini Venatione format  
 & torquet ex auro:

— auro quoque torta refulgent

*Retia, quæ totis in Arenam dentibus exstant.*

Nec retia solum, sed versatiles quidam trunci adposi-  
 ti muro & huic Podio, cōtra scansionem omnem fe-  
 rarum & insultum. Calpurnius idem allucet, sed fa-  
 cem parum claram:

— nec non vbi finis Arena

*Proxima marmoreo peragit spectacula muro,*

*Sternitur*

Murus Po-  
dij olim fa-  
tis altus.

Retia ante  
Podiū; quo-  
rum raritas  
scilicet non  
impediebat  
aspectum.

Retia illa  
per luxum  
inaurata.

Ligna ro-  
tantia.



*Sternitur adiunctis ebur (admirabile) truncis.*

*\* Et coit in rutulum, tereti quâ lubricus axem*

*Impositos subit à vertigine falleret ungues*

*Excuteretque feras.*

Versus enim dubiæ & intricatæ scriptiōnis. Legerim, *Et coit in rutulam*, siue, *rotulam*. ut velit truncos eos eburatos vtrunque in rotulam coisse, atque ita insipientis feræ impetum fregisse, & vertendo excussisse. Nescio etiam an, *in ruplum*. Nam Ruplus in Glossis, *εγγυς γαλαξίας, ἡ ἀπὸ τῆς ἰσθμῆς*, cardo & vertebra caueæ. Sed mentem facilius versuum horum adfirmarim, quàm verba. Vult omnino transuersa quædam ligna versatilia obiecta muro, quæ feras fallerent dum enituntur. Ego hîc iterum, Anceps hoc præsidium, Florenti: & quomodò me firment versus tam infirmi? Sanè (rideas licet) ego etiam nunc in summâ caueâ spectare eligam, nec inuideam Senatui Orchestram. Contra elephantes enim & immanes illas feras, quid? Parata arma, inquit Florentius. Nam aut clathris ferreis Arenam totam circumdabant: aut, quod certius, Euripis. Valdè enim id genus metuens aquæ. Plinius libro VIII. *Vniuersi* (de elephantis loquitur) *eruptionem tentauere, non sine vexatione populi, circumdati clathris ferreis. Quâ de causâ C. Caesar Dictator postea simile spectaculum editurus, Euripis arenam circumdedit. quos Nero Caesar sustulit, equiti loca addens. Et iamne securus? Haud planè etiam, inquam ego: sed perge.*

\* Fortasse leg. Et coit in rotulam teretem: quò lubricus axis.

Vitiosa scriptura, cui ægrè medeor.

Cœra grandiores beluas quid præsidij.

\* Vide Sueton. in Cas. cap. xxxix.

CAPVT



## CAPVT XIII.

*Gradus, & eorum forma. Diuisi accuratè in suas partes. Puluilli in iis. Præcinctiones. Aditus. Viæ. Cunei. Cathedræ. Porticus. Vitruuius, Tertullianus, Martialis, Calpurnius, Varij scriptores variè emendati aut illustrati.*

**F**L O R E N T I V S: Gradum igitur iam promoueo ad Gradus, & ad hos Subselliorû, vt sic dicam, colles. Non malè, colles. quia reuerà per decliue iacentium ea forma. Itaque Calpurnius aptè descripsit:

Cliuosi Gradus.

*Immensosque gradus, & cliuos lenè iacentes.*

Malè enim aliquot libri, *diuos*. nec quidquam hîc fanè de puluinari. Sed vt totam hanc sedendi spectandique rationem subtili quadam Minervâ intellegas, non crassâ: opus vt hoc omne spatium distinguam tibi per partes. Quæ erunt istæ. Gradus: Præcinctiones: Aditus: Viæ: Cunei: Cathedræ: Porticus.

Distinctio Graduum.

Quid hæc Gradus.

**G R A D V S** appellamus, vti scis, ea ipsa loca in quîs sedebant. Sic dicti in Amphitheatris, quia ad formam scalarium graduum, alij alios consequuntur. Eorum dimensio Vitruuio expressa: *Gradus*, inquit, *vbi subsellia componantur, ne minus alti sint palmopede, & digitis sex. Latitudines eorum, ne plus pedes duo semis, ne minus pedes duo constituentur.* Palmopede, id est, pede & palmo: siue palmis quinque. Palmus enim quatuor digitos continet: Pes quatuor palmos. Sed hæc tamen Vitruuiana altitudo non conuenit gradibus Amphitheatri Veronensis. qui, Torello dimittente,

Eorum dimensio.



tiende, alti dumtaxat pedem & duas vncias. id est, pe-  
dem & duos digitos semis, & paullū quod excurrit.

Quoniam admodum dicitur  
hoc quod dicitur in  
hoc quod dicitur in  
hoc quod dicitur in  
hoc quod dicitur in  
hoc quod dicitur in  
hoc quod dicitur in  
hoc quod dicitur in

F


clare







# AMPHITHEATRI INTER EAM FVISSE CVM OMNIBVS



1. *Ara*, quæ sacra Ioui Latiari. de qua dixi, cap. II. III.
2. *Portula*, per quas immisſæ in Arenam beſtiæ. Eas clauſas ianuis fuiſſe credimus: non ſolùm ad belluas, ne egreſſus patèret iam ſolutis, ſed etiam ad aquas coërcendas, cùm iis Amphitheatrum impletum. etſi ianuæ tunc fortasſe magis compactæ addi pro tempore potuère. Vide ſuper his portis cap. VIII. & IX.
3. *Podium*, cum ſuis columellis: & in medio Suggeſtus Imperatoris. Dixi cap. x i.
4. *Præcinctio*, ſiue Diazoma. id eſt, gradus altior & latior: cuius generis tres fuiſſe in Theatris Vitruuius docet. Sed in eo numero videtur etiam prima præcinctio collocanda, quæ ad ipſum Podium. Itaque ſculptor noſter vnâ amplius expreſſit. Ambigo etiam, an non aliæ præcinctio-



# TERIOR FACILES QVALEM

NIBVS MEMBRIS SVSPICAMVR.

CAP. XIII.



dio Sugge-

is altior &  
nebris Vi-  
etur etiam  
ipsum Po-  
mplius ex-  
acircio-

nes ornatae columellis suis fuerint, vti podium ipsum.

5. *Vomitoria*, siue aditus. id est portulae quaedam quadratae in ipsis gradibus, per quas in sedilia diffundebantur. Ad eas, minuti illi gradus scalares, vt per eos quisque ad destinata subsellia sua iret. Spatium medium inter Scalares binos, *Cuneum* vocamus: quia quadantenus ea for-

ma est, vt in acie instruenda *Cuneum* item vocant.

6. *Foramina*, ad transmittendos malos, quae pauca hic expressa; sed tamen ibant in orbem: & externae à mutulis quibusdam mali sustinebantur. Cetera opinor satis clara esse ex descriptione nostra, quae capite xiii.



NOTA FACILIS QVALEM

CAR. XII.

MEMORIS VASPIDAMVS

no. 11. ut in aere influenda Cunctum item

no. 12. ut in aere influenda Cunctum item

no. 13. ut in aere influenda Cunctum item

no. 14. ut in aere influenda Cunctum item

no. 15. ut in aere influenda Cunctum item

no. 16. ut in aere influenda Cunctum item

no. 17. ut in aere influenda Cunctum item

no. 18. ut in aere influenda Cunctum item

no. 19. ut in aere influenda Cunctum item

no. 20. ut in aere influenda Cunctum item

no. 21. ut in aere influenda Cunctum item

no. 22. ut in aere influenda Cunctum item

no. 23. ut in aere influenda Cunctum item

no. 24. ut in aere influenda Cunctum item



## CAPVT XIII.

*Gradus & eorum forma Diuisi accuratè in suas partes.*



tiente, alti dumtaxat pedem & duas uncias. id est, pe-  
 dem & duos digitos semis, & paullū quod excurrit.  
 Sed cūr tam lati? parum enim ex symmetriā & bono  
 loci videtur, duos pedes & semis latos eos facere.  
 Quod verum est: sed latitudinem eam exigit, in con-  
 textu illo Graduum, ratio sedendi. Pedes enim eo-  
 rum qui in superiore gradu spectant, innixi inferiori  
 gradui proximo. qui ne læderent sedentes alios, neue  
 ipsi læderentur, opus habuēre aliquā laxitate. Fortasse  
 etiam ad ponē transeundum, si qui surgerent, aut se-  
 dentibus iam aliis intrarēt. Gradus autem isti è lapi-  
 de. Vnde scitum illud Aristippi, Cui bono eruditio?  
 Huic saltem, inquit, ne in Theatro lapis sedeat super  
 lapidem. Quamquā & sæpe è ligno. Serò repertum,  
 vt puluilli insternerentur Senatui: idque primus Ca-  
 ligula instituit. Dio Cassius: τὰ τε ποροκεφάλαια τῶν βυ-  
 λυταῖς, ὅπως μὴ ἐπὶ γυμνασίων καὶ σταδίων καθίζον, ἀρῶν τε τότε  
 ὑπετέθη, καὶ πάλιν σφισι δὲ θαυμαλὸν ἔσπον ἐς τὰ διατεταφορεῖν,  
 ἵνα μὴ ἰδύσκει ταλαπτορῶν, ἐπαράπη. id est: Puluilli tunc  
 primum Senatoribus, ne nudis asseribus insiderent subiecti,  
 & pileos Thessalicos in Theatra iis inferre concessum, ne in-  
 solatione torquerentur. Ait clarè, Senatui tantum: po-  
 steà tamen id etiam Equiti concessum, ex Iuuenali:

Cur latiores  
facti.

E lapide  
fuisse, pluri-  
mum.

Puluilli iis  
impositi.

— exeat, inquit,  
 Si pudor est, & de PVLVINO surgat EQVESTRI  
 Cuius res legi non sufficit.

PRAECINCTIONES sequuntur. quas, si benè  
 capio, non aliud censeam quàm Graduum intervalla  
 & diuisiones quasdam in orbem. Vitruuius aliquo-  
 ties nominat: sed, vt in re tunc clarâ, describit parum

Quid Prae-  
cinctiones.

F

clarè



\* Cap. III.  
lib. V.

\* id est: Cingulum non altius sit, quam latum. est illud ipsū subcingulare iter de quo mox.

\* Et apparet clarissime Præcinctio-  
nes in Thea-  
tris.

Balthei.

\* Et hæc re  
Zodiaci Zo-  
na, etiā Bal-  
theus à Ma-  
nilio voca-  
tur.

Diazomata.

Aditus, quid  
appellemus.

clare. *Præcinctiones*, inquit, ad altitudines *Theatrorum* pro rata parte faciendæ videntur: neque altiores quam quanta *Præcinctio*nis *Itineris* sit latitudo. Iterum: *Gradationes* *scalarum* contra *quadratorum* angulos dirigantur ad primam *Præcinctio*nem. Videtur autem siue ad *Vomitoria* & ipsos *Aditus*; siue in discriminibus *Orchestra*, *Equestrium*, *Popularium*, *Gradus* quosdam latiores altioresque struxisse, qui reliquos minores velut præcingerent & complecterentur. Unde & nomen. *Torellus* certè obseruat in illo *Veronensi*, *Gradum* esse circa medium qui duos pedes & uncias sex altus: cum reliqui tantum, pedem & uncias duas. Atque ea profectò *Præcinctio*, etsi *Vitruuius* & res ipsa, plures suadent vnâ. *Baltheus* id alio nomine vocatur, à pari causâ: quia velut cingulum quoddam latum. *Calpurnius* in *Amphitheatro* *Carini*: *Baltheus* *en gemmis*, *en illita porticus auro*. *Tertullianus* *De Spectaculis*: *Vias* enim vocant *cardines* *Baltheorum* *per ambitum*. Ex quo disce, ad *Cingula* etiam ista fuisse *Vias*. *Diazomata* item, *Græcanicâ* voce, commodè adpellat *Vitruuius* cap. VII. *Gradus*, *diazomata*, *pluteos*. *A D I T V S* deinde, qui in ipsâ gradatione portæ quædam siue ostia, per quæ ab exterioribus porticibus venit & descenditur in ipsas sedes. De his *Architectus*: *Aditus* complures & spatiosos oportet disponere, nec coniunctos superiores inferioribus, sed ex omnibus locis perpetuos & directos, sine inuersuris faciendos: ut cum populus dimittitur de *Spectaculis*, ne comprimatur, sed habeat ex omnibus locis exitus separatos sine impeditione.

Vomi-



Vomitoria appellat Macrobius, voce vulgi: libro vi. Saturnal. cap. iiii. Ad illud Virgilij — *totis vomit*  
*adibus vndam. Pulchrè & antiquè. Unde & nunc Vo-*  
*mitoria* (alij libri, Vomitaria) *in spectaculis diuinus, vnde*  
*homines glomeratim ingredienti in sedilia se fundunt. At-*  
*que hæc foramina perspicua in hisplis Graduum re-*  
*liquiis, itemque in illo Veronensi.*

Vomitoria  
dicti.

Ad VIAS venio. quæ, auctore Tertulliano, hîc  
duplices. *Vias enim vocant, cardines Baltheorum per*  
*ambitum, & discrimina Popularium per proclium.* Op-  
timè eruditus scriptor. Vult enim Vias alias esse, quæ  
ad cardines siue limites Baltheorum, in circuitu:  
alias, quæ à Vomitoriis illis, in descensu. Itaq. ait, per  
proclium. Sed cur Popularium tantum meminit?  
eaque discriminari, & in Cuneos suos tribui, Viis illis  
secantibus, vult? Adhæresco. Excludere enim apertè  
Equestria & Orchestram videtur: aliter quàm Suet-  
onius, qui Cuneos in his agnoscit: ergo & Vias. Sed  
Popularia largè fortasse acceperit scriptor Afer, pro  
omni populi confessu. Vias has modò Itinera, mo-  
dò Scalaria Virruuius appellat: sed Scalaria tamen  
propriè, Vias quæ inter Cuneos ad ascensum aut de-  
scensum. In his Viis qui locum non habebant, qui-  
que, vt suo verbo dicam, excuneati erant, spectabant  
frantes. Tertullianus: *Nam apud spectacula & in Viâ*  
*statnr.* Martialis facit de falso quodam equite, lib. v.

Vix inter  
Gradus,  
duum ge-  
nerum.

\* Has vias,  
vocat Itine-  
ra Pracin-  
tionū Vitr.  
cap. iiii.  
De Tertul-  
liani loco  
obsuro.

\* Vide ianu-  
munc in Cu-  
neis.

Discrimen  
aliquod in-  
ter Itinera  
& Scalaria.

In Viis, ex-  
clusi specta-  
bant.

*Sedere primo solitus in gradu semper,*  
*Tunc cum licebat occupare, Manneius,*  
*Bis excitatus terque, transtulit castra,*  
*Et inter ipsas panè tertius sellas*

F 2

Post



Post Caiumque Luciumque confedit.  
 Illinc cucullo prospicit caput tectus,  
 Oculoque ludos spectat indecens vno.  
 Et hinc miser deiectus in VIAM transit,  
 Subsellioque semifultus extremo,  
 Et malè receptus altero genu, iacet  
 Equiti sedere, Lectioque se STARE.

Martiali lux  
 data.

\* Malo, fe-  
 gne.


Dimensio  
 Viarum.

Canaliculæ  
 in gradibus.

Cuius epigrammatis sententia ista. Manneium soli-  
 tum ante Domitiani edictum sedere inter equites, &  
 quidem in Equestrium primo gradu, qui ad Orche-  
 stram. Sed agnitum & pulsum aliquoties à dissigna-  
 tore Lectio, transisse tādē ad summam caueam, &  
 spectasse inter plebem & pullatos. tantum non inter  
 cathedras muliebres. Sed illinc quoque deiectum,  
 spectasse in Viā semi-stantem. Atq. huius sententiæ  
 etiam illud Taciti est, lib. xvi. de militibus, qui à  
 Nerone dispositi *Per cuneos STABANT*, ne quod  
 temporis momentum impari clamore, aut silentio\* segni præ-  
 teriret. Nam stetisse eos sentio in his utrisque Viis.  
 Latitudo Itineris ad Baltheum, mihi ignota. censeo  
 non minus, trium quatuorue pedum. Si enim vul-  
 garium Graduum, Vitruuio definiente, duo pedes  
 & semis: quidni duplum istis? At Sclarium siue  
 Ascensuum altitudo, in Veronensi apparet semipedis  
 & uncia: latitudo, pedum binū. Humiliores ergo  
 aliis sedentariis Gradibus, parte dimidiā. Addo, Ca-  
 naliculas quasdam & deriuationes aquarū ad oram  
 extremam Graduum fuisse, quā Sclaria incipiebāt.  
 Apparent in fragmentis lapidum.

& vsum





& vsum, credo, habuerunt siue aquæ cælestis deri-  
uandæ, siue potius humanæ. Nam cum dies totos  
in spectaculis persederent, quin vrina reddenda fue-  
rit, non ambigimus: ei que vsui tribuimus hos inci-  
sos canales. Nam ad pluuiam, scire te volo pendu-  
los leuiter & procliues omnes gradus fuisse.

At C V N E I iam (Alexis *νεπίδαξ* dixit) inter has  
Vias medij. Quidquid enim sedilium diuiditur Præ-  
cinctionum Itineribus, & secatur lateralibus Viis, in  
hoc nomen id venit. Nomen datum à formâ. quia  
re ipsâ Sclarum directio talis, vt ab imo ordiens ma-  
gis diffunderetur in altum: redderetque cunei for-  
mam. Hoc modo, vide. Digiti enim potius res est,

Cunei spe-  
ctaculorum.

F

3

quàm



Directio  
Scalarium  
alterna.

\* Quod qui-  
dem clarissi-  
mè in Vero-  
nensi appa-  
ret.

Exempla &  
loca de Cu-  
neis.

quàm linguæ: Sed hoc mihi nota, Vias istas Scalares non ab imo ad summū rectā & sine intercissione esse. Contrā est. dirigebantur saltem ab imā Orchestrā ad primam Præcinctionem. Ibi desinebant. & \* alternis aliæ incipiebant, cum Cuneorum nouā variatione. Ita si triplex Præcinctio (& id ex Vitruuio suspicamur:) triplex etiam ordo & discrimen Cuneorum. Nec absurdè fortasse senserim, si Cuneos & Præcinctiones finiam ac discriminem limitibus Orchestræ, Equestrium, Popularium. Architectus noster Augustalis, meo animo, describit non obscure: *Cunei, inquit, spectaculorum in Theatro ita diuidantur, vti anguli trigonorum, qui currunt circa curuaturam circinationis, dirigant ascensus scalasque inter Cuneos, ad primam Præcinctionem. Suprà autem alternis fineribus superiores Cunei medij dirigantur.* Et adde quæ scribit cap. viii. *Gradationes scalarum inter Cuneos & sedes dirigantur ad primam Præcinctionem. ab eā Præcinctione inter eas iterum mediæ dirigantur.* Et sanè hæc præscriptio in parte apparet in Theatro Veronensi ad Athesin: quod deformauit (et si *non* *propter*) Torellus. Atque hi Cunei Theatrorum, qui in scriptoribus crebri. Iuuenalis:

*Cuneis an habent spectacula totis  
Quod securus ames?*

Martialis: *Era sed à Cuneis vltiora petis.*  
Inde Theatrum Cuneatum Virgilio aut Seuero:

*Cuneati læta Theatri*  
*Seditio.*

Et Ausonio: *Cuneata creuit hæc Theatri immanitas.* Inde Excuneandi verbum, id est eiiciendi & velut extra  
Cuneum



Cuneum excludendi, usurpatum Apulejo. Ni Cunei, certi certis assignati. Suetonius in Aug. cap. XLIII. *Militē secrevit à populo.* Maritis è plebe proprios ordines (id interpretor, vel ordines aliquot subselliorum, vel etiam Cuneos) assignavit. Prætextatis C V N E V M suum; & proximum, pædagogis. Ad discrimina hæc Cuneorum quicq. in iis sedebant, alluisse mihi Tertullianus videtur De Resurrectione carnis: Igitur quātum ad hereticos, demonstravimus quo cuneo decurrendum sit à nobis. Cuneos autem etiam Equitum & Senatorum fuisse, clarè docet Suetonius. Domit. cap. IIII. Die proximo omne genus rerum missilia sparsit. & quia maior pars intra Populæ deciderat, quinquagenas tesseras in singulos Cuneos Equestris ac Senatorij ordinis pronūciavit. Et Virgilius, plebis item ac patrum agnoscit:

— hunc plausus hiantem  
Per Cuneos (geminatus enim) plebisque patrumque  
Corripuit.

Ad CATHEDRAM iam perueni. quam solus Tertullianus mihi in Amphitheatris suggerit: Cathedra, inquit, vocatur, ipse in amfractu ad confessū situs. Et intellegitne amfractum in singulis gradibus? an potius superum locum, ubi cliui subselliorū desinunt, & murus incipit qui porticum facit, cliuosque illos velut frangit? Nam plani aliquid spatij ibi fuisse videatur, unde Cathedris positæ spectarent. Possis Calpurnium ad hanc sententiam flectere:

Venimus ad sedes, ubi pullā sordida veste  
Inter femineas spectabat turba Cathedras.  
Nam femineæ & pullati non nisi ex superiore loco spectabant,

Cunei certi, certis attributi.

\* Martial. allusit lib. v.

Sedere an equitum liceat an tibi scammis, Videbo Dindyme. haud licet maritorum.

Obscura Tertulliani dictio explicata.

Cunei etiam Senatorum & Equitum.

Quid Cathedra incertè dictū.

Cathedra femineæ.



*Stabant*, ex Augusti decreto quod Suetonius memorat cap. XLIII. Sellas etiam Martialis nominat, nescio an pro cathedris, an pro subselliis graduum ipsorum. Nā tenebræ mihi adhuc in isto eius versu:

Retractatus  
Martialis  
versus.

*Et inter ipsas pænè tertius sellas*

*Post Caiumque Luciumque consedit.*

Rettuli quidem suprâ ad fæmineas sellas: sed repugnante, ut vereor, poëtâ, qui non vult Equestria cum egressum, sed in aliquâ semper eorum lineâ hæsisse. An sellæ etiam virorum? easq. in gradibus ipsis collocabant? Ita prona quidem facilisque sententia sit, ut dicat misellum hunc irrepsisse inter Caij Luciique sellas, & pænè tertium sedisse cum duobus. sed ex illis quoque latebris protractum. Et sanè de sellis allatis & illatis, quidam mihi suadent. Suetonius Nerone, cap. XXVI. *Interdum quoque clam gestatoriâ sella delatus in Theatrum, seditionibus Pantomimorum ex parte Proscenij superiore signifer simul ac spectator aderat.* Iuuenalis, in suo illo non inuidendo voto:

De sellis dubitatio nostra.

— & duo fortes

*De grege Mæforum, qui me ceruice locatâ*

*Securum iubeant clamoso insistere Circo.*

Vitruuij etiam ambigua verba: *Gradus, ubi subsellia componantur.* Tamen magis est ut aliter fuerit, ex iis quæ suprâ dixi. Et Suetonij Iuuenalisque loci, euincunt non nisi de supero loco, quod fatemur ultro. An ergo in Martiali scribendum, *tertias sellas?* capimusque pulsum eum à primo subsellio ad tertium? Sed quam sententiam aut acumen tum habebit, rō pænè? Iterum dico. parū mihi in hoc versu lucet aut liquet.

Tentatus  
Martialis,  
sed vereor ut  
manu pa-  
rum fausta.

At de



At de PORTICIBVS superioribus, è quibz tenuiores spectabant, satis certum. Calpurnius tangit.

—en illa porticus auro

Certatim radiat.

Hanc supremam partem Dio *ἀΐδα θεῶν* dixit, in Nerone: καὶ ἐδρασαν αὐτῶν, inquit, ἐν τῷ ἀνωτάτω τῇ θεῶν ἀΐδα. id est: Elephas sublatuſ est in summum fornicem ſive arcum Theatri. Nec malè. quia porticus illa, vt videtur, arcuato opere tecta. Certè tecta. Vitruuius: Tectum porticus, inquit, quod futurum est in summâ gradatione. Ideoque non vanè suspicer à Tertulliano, Cameras, vocatas, De Spectac. Deus etiam extracamas, & gradus, & apulias oculos habet. Vbi de Apuliis, digitum tollo: & fateor me nō posse hincere probum de iis aut probabile verbum.

Hic inferenda 1. forma.

## CAPVT XIII.

De ordine & locis in sedēdo. Quando discrimen id factum. De Orchestra, de Equeſtribus: & Tribunos quosdam nouos fuisse inter Equites. De Popularibus. de que loco Pullatorum & Feminarum.

LOCVM & eius membra satis descripsi, ad cuius tamen lucem nonnihil etiam faciet, si ordinem Ordinum in confesso noris & discrimen. Populi enim Romani, vt scis, prisca diuisio, in Senatu, Equitem, Plebem. His discretà in Spectaculis sua loca, & Gradus. In Theatris quidem iam olim lege Rosciā: at non ita diu in Circo & Amphitheatris. Promiscuè enim ibi spectabāt & quouis loco liberè, quam-

G

diu li-

Porticus  
quid.

Easdem videri cum  
Cameris.  
\* Quasi auro-  
las, quidam  
explicant. au-  
dio & Thal-  
mudicos Apu-  
lium, vocare  
Cubiculum.

Populi Ro-  
mani tres  
ordines.



Diu confu-  
tio in Am-  
phitheatrali  
spectaculo.

diu libertas Romæ. Plutarchus indicat in Sullâ: ἦν μὲν,  
inquiens, θία μορομάχαν. ἔπαυ δὲ τῶν τόπων διακείμενων,  
ἀλλ' ἐν τῇ θιάτρῃ συμμυγῆς ἀνδράσι καὶ γυναιξίν ὄντες, ἔτυχεν  
πλησίον τῇ Σύλλᾳ καθέζομένη γυνὴ τὴν ὄψιν ἐμπαρρηδὺς καὶ γένους  
λαμπρῆ. i. Spectaculum quidem gladiatorum erat. Locis  
autem ad spectandum nondum tunc discretis, sed mixtim  
sedentibus viris feminisque: accidit, ut propter Sullam mu-  
lier quæpiam sederet, facie et genere honesto. At id mu-  
tatum sub Principibus: & discrimina dignitatum fa-  
cta, bono iure. Nec subtiliter hîc tempora exsequar.

\* Feci enim  
accuratè in  
Comment.  
ad lib. xiv.  
Taciti.  
Orchestra  
vox, Græco  
ortu.

\* quid opus? Hoc scito, Senatui in Amphitheatris  
quoque suam sedem fuisse, suam Equiti, suam Plebi.  
illam, Orchestram dixere: alteram, Equestria: ter-  
tiam, Popularia. De Orchestrâ ubique obuium. quæ  
vox nata in scænâ & pulpito, transit communi ab-  
usu quodam ad alios etiam ludos. Sedes illi, ut Vi-  
truvius ait, inter gradus imos. Is enim locus quia Scænæ  
& Arenæ proximus, ideoq. oculis auribusque expo-  
situs, optimus habitus spectationi, siue auditioni. Cice-  
ro de Senectute: *Ut Turpione Ambivio magis delectatur,*  
*qui in primâ caueâ spectat quàm qui in ultimâ.* Horatius:

Vbi fuerit.

In imis gra-  
dibus, qui  
optimi spec-  
tationi.

*Ut propius spectes lachrymosa poemata Puppi.*

Magnitudo eius, ut conicio, in gradibus quattuor  
aut quinque. aut fortasse pluribus, ut etiam Sacerdo-  
tibus ibi locum demus, & sociarum gentium legatis.  
Equestria autem, Senecæ nominata v i r. De Benef.  
Equestria omnium equitum Romanorum sunt. in illis ta-  
men, locus meus fit proprius, quem occupavi. Item Sue-  
tonio, in Calig. Decimas maturius dabat, ut Equestria  
ab infimo quoque occuparentur. Et allusit argutatrix illa  
apud

Equestria.







*Vidit me Roma Tribunum,*

*Et sedeo quā te suscitāt Oceanus.*

Martialis  
quomodo  
eques.

Nam quod de are magno huius poetæ suspicere, aut censu fuisse Equitem: errabis. tenue semper & exsuccum hoc genus. Ipse id renuit, loco alio, & paupertatem clarè præfert:

*Sum, fateor, semper quæ fui, Callistratæ, pauper,*

*Sed non obscurus nec male notus eques.*

Popularia.

Inter Equites igitur, quia adnexum hoc Tribunicia illi dignitati. Et quidem hi Tribuni in Gradibus primis spectabāt, ex Horatiano vetere interprete: qui ad locum illum Epodōn, in Mænam: *Sedilibusque magnus in primis Eques:* commodè notat, Otho, inquit, *quattuordecim Gradus in Theatro equiti separarat, ex quibus primi Tribunicis potestatibus vacarent.* Popularia sunt loco tertio. & nomen eā notione reperies in Suetonij Claudio, cap. xxv. *Germanorum legatis in Orchestrā sedere permisit, simplicitate & fiduciā eorum motus, quod in Popularia deducti, cum animaduertissent Parthos & Armenios in Senatu sedentes, ad eadem loca spontè transierant.* Et in Domitiano, verbis quæ rettuli supra. Vlpianus etiam *Milites stationarios* disponi à Præfecto urbis vult, *ad tuendam Popularem quietem.* Callistratus, in spectaculis *Iuvenes quosdam accommodare se turbulentibus adclamationibus Popularem* scribit. Et scio vtrumque intellegere hunc plebis confessum. Plebis. nam etsi populi voce vtuntur, quæ communis tribus ordinibus: tamen hîc pro vnâ eius & vberiori parte. Vti & apud Iuvenalem:

Vide Epist.  
lic. nostras,  
lib. iiii. ep.  
xviii.

Populi vox  
pro solâ ple-  
be. interdū.

*Æquales illic habitus, similemque videbis*

*Orchestram & populum*

Intelle.



Intellegit enim, in hac ipsâ Spectaculorum re, plebem. Popularibus autem adtributi reliqui omnes Gradus. id est Cauea media, & Summa. Nam Ima Senatui & Equiti vacabant. Itaque propter granditatem, discrimen aliquod in ipsis popularibus: & pro variâ conditione plebis, varij adfessus. Quosdam, imò plerosque Suetonius expressit Augusto: *Militem secreuit à populo. maritis è plebe proprios ordines adsignauit. pretextatis Cuneum suum. & proximum, pedagogis. sanxitque nequis pullatorum mediâ caueâ sederet. Fæminis ne gladiatores quidē, quos promiscuè spectari solebat erat, nisi ex loco superiore spectare cōcessit. Vbi de Pullatis quod ait, illustrant Calpurnij versus:*

Popularia  
ipsa iterum  
diuisa.

\* Suprà, ex  
Plutarcho.

Pullati ad  
superos rele-  
gati.

*O, utinam nobis non rustica vestis adesset!*

*Vidissem propius mea numina. sed mihi sordes*

*PULLAQVE paupertas & adunco fibula morsu  
Obstiterunt.*

Ostendit enim se rusticum & pullatum spectasse in caueâ summâ, procul à Podio vbi Princeps. Ideo apud Senecam De Tranquillitate, *Verba ad summam Caueam spectantia*, sunt vilia & ad gustum minutæ plebis. At quod Fæminæ in summo: etiam Propertius tuus ostendit, vbi præcepta æmulantis Cynthia:

Item Fæmi-  
næ, cōcedit

*Tu neque Pompeiâ spatiabere cultus in umbrâ,*

*Et cum lasciuum sternet arena forum*

*Colla Caue inslectas ad summum obliqua theatrum.*

Propertij a-  
lia distinctio  
& intelle-  
ctus.

Ita legendi & iungendi ij versus. & mens est, Cum Gladiatores in foro: caue oculos adicias, tu qui in equite spectas, ad loca summa, vbi mulieres.



## CAPVT XV.

*Confusa aliquando locorum series: eaque occupata. Æs pro Locis. Plautus explicatus, & Suetonius, & Martialis. Dissignatores, eorum munus. Excitare. Tribuni Voluptatum.*

**E**t hi quidem limites, hic ordo. quem tamen migrabat & miscebat sæpe Quiritium turbida plebs. Auidi enim multi ludorum, & exclusionis metuentes, loca de multâ nocte occupabant, & inhærebant vt suis. Lampridius in Eliogabalo: *Serpentes per Marsicæ gentis sacerdotes collegisse fertur: eosque subitò ante lucem, vt solet populus ad ludos celebres conuenire, effudisse. Benè dixi, occupabant. eo enim verbo id vulgò notabant. Martialis:*

Occupare  
propriè,  
quid.

*Tunc cùm licebat occupare, Manneius.*

Spartianus in Iuliano: *Ad Circense spectaculū itū est: sed occupatis indifferenter omnium subselliis, populus genuit conuicia in Iulianum. Suetonius Calig. cap. xxvi. Inquietatus fremitu gratuita in Circo loca de mediâ nocte occupantium, omnes fustibus abegit. Ait Tranquillus, gratuita loca. Ergone aliquid aliàs pendendum? Apparet: & quidem prisco etiam æuo. Certè Plautina Prologus, (etsi non Plauti) id indicat receptum in seruis:*

Loca pretio  
aliquo di-  
tributa.

Plauti ante-  
logio lux.

*Serui ne obsideant, liberis vt sit locus.*

*Vel æs pro capite dent: si id facere non queunt,*

*Domum abeant.*

Græci hæc *ὀπθηα* appellasse videntur: quæ explicat in Callimacho Scholiastæ, τὰ ὑπὲρ τῆς ἰδέας δαπάνης, *videndi causa*. Nec in seruis hoc tantum, sed receptum etiam



etiā in aliis è plebe opinor, qui Locariis nescio quid pro sedibus pendebant. Ita appellat Martialis, qui loca dissignabant. In Hermetis gladiatoris laudibus:

Et Martialis.

*Hermes suppositicius sibi ipsi:*

*Hermes diuitia Locariorum:*

*Hermes cura laborque ludiorum.*

Nā Locarij, meo animo, non aliud hīc quā Dissignatores. Quos Tertullianus in ludis agnoscit, libello De Spectaculis: *A templis & aris, inter tribus & tibias, duobus inquinatissimis arbitris funerum & sacrorum, Dissignatore & aruspice.* Plautina eadem illa Prologus agnoscit in scenā:

Locarij, qui homines locant, disponentque.

*Neu dissignator prater os obambulet.*

Quin etiam lictores illis attribuit:

*—neu lictor verbum aut virga mutant.*

Dissignatores cum lictoribus.

Qui enim hoc refert ad lictores magistratuum: errat. Nullæ in hac Histricā prouinciā eorum partes. Sed ut Dissignatores in funere publico lictores comitabantur, seuerioris imperij causā & ordinis seruandis sic in Theatris. De funebri Dissignatore, Horatij illud nosti,

*—dum ficus prima calorque*

*Dissignatorem decorat lictoribus atris.*

Non quia proprij Dissignatorum vlli apparitores (viles enim ipsi olim & fortasse inter libertinos:) sed accipiebant à Domino funeris & Editore ludorum.

\* In Saturnalibus dixi, lib. 1.

Ex hoc genere, Lectius ille & Oceanus apud Epigrammatarium: nec magistri illi aut Præfecti ludorum (nugę istæ interpretum) sed meri Dissignatores. Quorum tamen dignitas sub Principibus aucta.

Creuit eorū dignitas.

Vlpia-



Pellebant  
loco non di-  
gnos.

Excitare.

Tribuni vo-  
luptatum.

Vlpianus benè monet l. iiii. De his qui not. infamiâ: *Designatores*, inquit, quos Græci *βελσταὶ* appellant, *artem ludicram non facere Celsus probat: quia ministeriū non artem exerceant. Et sanè locus iste hodie à Principe non pro modico beneficio datur. Horum munus, ordinibus sua loca adnotare, pellere occupatores ab alienis. Facetè saepe meminit acutus & capitalis ille Hispanus, per occasionem edicti Domitiani, quo licentiam in equite promiscuè spectandi (quæ contra leges eruperat) cohibuit. Et id dicebant theatriali verbo, Excitare aut Suscitare.*

*Bis excitatus terque, transtulit castra.*

Alibi: *Et sedeo quâ te suscitât Oceanus.*

Suetonius Augusto, cap. xliii. *Cum spectaculo ludorum gregarium militem in Quattuordecim sedentem excitari per apparitorem iussisset. De quâ eadem re Appianus: ο καὶ οὗτος τὸν σεπτικόν τῶν ἀνέκτων. Sed addo etiam labente ævo, præter Designatores, videri fuisse digniore quodam nomine Tribunos: qui electi ad moderandas & temperandas ludicras populi voluptates. ij. dicti, Tribuni Voluptatum. Quorum formula & munus, apud Cassiodorum libro vii. Variar. Epist. x.*

#### CAPVT XVI.

*Tubi occulti in Amphitheatris ad Sparsiones. Eas è croco diluto fuisse. Appuleius emendatus. Videri eundem liquorem è statuis emissum. Pluria ad hanc rem exempla.*

**V**IDEOR de loco omnia dixisse: certè ea quæ in aperto. Nam quin lateant etiam nūc quædam, non nego: quæ tamen, lucis tuæ causâ, protraham in clâ-



in claram lucem. In eo genere tubi sunt siue fistulae: *Fistulae Amphitheatrales.* quae in imo & summo Amphitheatro dispositae, ea arte & fine, ut odoratum quendam humorem cicularentur leuiter & inspergerent in sedentes. Is humor, e croco plerumque. Seneca epist. x c. i. *Utrum tandem sapientiore putas, qui inuenit quemadmodum in IMMENSAM ALTITUDINEM CROCUM LATENTIBVS FISTVLIS exprimat?* Idem libro ii. *Quest. Natural. Numquid dubitas quin SPARSIO illa, quae ex fundamentis MEDIAE ARENAE crescens, in SUMMAM ALTITUDINEM AMPHITHEATRI peruenit, cum intentione aquae fiat?* Apuleius lib. x. *Tunc de summo montis cacumine per quandam latetem fistulam in excelsam prorumpit vino crocus* (ita emendo ex vet. codice nostri Gifselini) *diluta, sparsimq. defluens pascentes circa capellas odorato perpluit imbre.* Bene Apuleius, odorato imbre. quia e fistulis illis, per minuta quaedam foramina stillabat is liquor in modum imbris. Et signate locutus est Antonius Musa apud Senecam patrem, qui *Sparfiones, odoratos imbres* dixit. Vbi magnus ille Turnebus a se & a vero abit, dum tentat sufficere odoratos imbres: & perperam admissilia refert. Nam rorem illum ingeniosum, Sparfiones vocabant apte. Glossae priscae: *Sparfio* *κρῖνος ὁ πικρὸς ἁλός.* Et Martialis Spargendi verbo in eo usus: *biuol cupit* *abulget amant* *I ha. vultu* *ad*

Spargebant  
crocum ex  
ima Arenā.

Apuleij cor-  
rectio. *non*  
*si* *hi* *obscu-*  
*ri* *locus* *q*

non rorem  
de hoc, alij  
autem quia  
hic musti  
annonuntia

Sparfiones  
proprie.

Ex cum im-  
bre autem  
bo compa-  
rantur.

Hoc rogo non melius, quam rubro pulpita nimbo  
SPARGERE, & effuso permaduiffe croco?  
Et nimbum item aliquoties appellat: ut libro i.  
Et Cilices nimbis hic maduere suis.

H

Libro



*Lubrica Corycio quamvis sint pulpita nimbo.*

E statuis  
etiam fusa.

Nec è fistulis solū hic imber, sed scito magis inuen-  
to è statuis expressus, velut humanus quidam sudor.  
Lucanus clarè indicat:

*Utque solet pariter TOTIS se effundere SIGNIS*

*M Corycij PRESSURA CROCI: sic omnia membra*

*Emisere simul rutilum pro sanguine virus.*

Quas fistu-  
las grandes  
fuisse suspi-  
cimus, &  
alias mino-  
res, qua ab  
illis diffusa  
per membra.  
Quoque  
modo id fic-  
ci potuerit.

Et ex Theatri Marcelli configuratione conspicuum,  
in mediâ & summâ Præcinctiōne statuas plures fuis-  
se, partim ad ornatum, partim ad hunc vsum. Eas  
autem scire licet concavas fuisse: & per immixtas fi-  
stulas ferreas siue æneas, minutis foraminibus, velut  
per poros & membra expressum hunc humorem.  
non sine præsentī quidem auxilio & manu admini-  
strorum, qui in parte infernâ. Ego interrumpens,  
Hæc mihi mira, inquam: sed dic tamen, oro te, cla-  
rius, quomodo crocus exprimi arida potuerit in hūc  
imbrem? Non enim capio. Ille concussio capite & ri-  
dens, Crocūsne mera aut arida? inquit. Mi iuuenis  
erras. Vino diluta fuit, vt Apuleius tibi præibat, si fi-  
lum attentè sublegisses eius sermonis. Mixtum vi-  
delicet tritumq. florem cum herbæ fuisse cum vino:  
quod colorem deinde adsumeret & odorem. Plinius  
aperit: *Crocum*, inquit, *vino mirè congruit, præcipuè dul-*  
*ci, tritum ad Theatra replenda.* Itaque liquidum cro-  
cum Ovidius dixit:

Crocus non  
ipsa, sed vi-  
num, eā tin-  
ctum ad  
spersiones.

*Nec fuerant liquido pulpita rubra croco.*

Per Gradus  
fluebat odor  
Theatri.

Et fluxisse eū per Gradus, Spartianus in Hadriano:  
*In honorem Traiani balsama & crocum per Gradus Thea-*  
*tri flue-*



tri fluere iussit. Vbi de Balsamo item notabis, et si minus id crebrum. At de Croco, in omnibus spectaculis protritum: etiam Scenicis. Ideoq. solemnes crocos Propertius agnominavit:

Etiā balsamum.

*Pulpita solemnes non oluere crocos.*

Adeo ut etiam supinorum hominū deliciis & Theatris in cōuiuia sparsiones migrarint, & eādem illā arte vnguentis perfusi conuiuat. Plutarchus de Othone narrat, disposuisse eum in triclinio variis locis ἀργυρέας καὶ χρυσεὺς σωλῖνας, ἀπὸ τοῦ ὁποῦ τοῦ σώματος ἐκχέοντες: argenteos atque aureos canales, instar aque, vnguenta fundentes. Quod item in Neronis nepotinis sumptibus Tranquillus recensuit, cap. x x x i. *Cenationes eius laqueatae tabulis versatilibus eburneis, ut flores: & fistulis, ut vnguenta desuper spargerentur.* Ita enim eum locum legamus: quoniam duo ibi versatilia, & Tabulae ad flores, & Fistulae ad vnguenta.

Sparsiones vnguentorum in conuiuiis, ab hoc inuentio.

Suetonius rescriptus.

## CAPVT XVII.

*Vela in Theatris & Amphitheatris. Quando eorum usus ceperit. Colorata ea fuisse. aliquando serica, aliquando & purpurea, auro distincta. Testimonia plura.*

**T**EGMEN etiam Amphitheatri later: quod superduci solet, arcendo aestui ac soli. Tegmen hoc a velis. Primus inuentor rei Q. Catulus ait certe iam inuenta, primus Romae imitator Valerius Maximus: Religionem ludorum, crescentibus opibus, max fecit a lautitia est. Eius instinctu Q. Catulus Campanam imitatus luxuriam, primus spectantium concessum velorum umbraculis texit. Ammianus de eādē re libro xxi.

De theatro & Amphitheatro.

Vela à Q. Catulo reperi.

H 2

Ex tur-



las m...  
m...

\* At Edili-  
tati eius id  
tribuit Am-  
minius, illi  
restitu...

calm...  
aut...

Ex turbâ Verò minima fortis & paupertina, in tabernis aliqui pernoctant atris, nonnulli velabris umbraculorum Theatralium latet, quæ Campanam imitatus lasciuia Catulus in Aedilitate sua suspendit omnium primus. Plinius libro XIX. de velis: Postea in Theatris tantum umbram fecere, quod primus omnium inuenit Q. Catulus, cum Capitolium dedicaret. Eius ritus vestigia in ipsis Amphitheatris, ubi Foramina in summis lapidibus ad funes velorum illigandos, ut in Nemausensi illo clarè: & in summo hoc Romano quædā grandiora, per quæ coniicimus traici & in altum dirigi antennas solitas, velorum funes sustinentes. At ipsæ deinde antennæ siue mali, per foramina ea immixtæ & demixtæ mutulis quibusdam excipiebantur, firmitatis causâ. Ad antennas autem subrectas, funes transversim ligati & extensi, super quos, ducta vela. Testimonia etiam sparsa in veterum scriptis. Propertius:

*Et modo tam pleno fluitantia vela Theatro.*

Suetonius in Caio: Gladiatorio munere, reductis interdum flagrantissimo Sole velis, emitti quemquam vetabat. Martialis:

Ducere vela  
& reducere.

*Quamuis non modico caleant spectacula sole,  
Vela reducuntur cum venit Hermogenes.*

Virg...  
Cato...  
am...

Virgilius præfatione lib. x. In muneribus quæ à magistratibus, Foro gladiatorum Scenisque ludorum, quædam dantur, quibus nec expectatio nec mora conceditur: ut sunt sedes spectaculorum, VELORVMQVE INDVCTIONES. Lampridius in Commodò: Cum illi sæpe pugnant, ut deo populus fauisset, irrisum se credens, populum Romanum, à militibus classiariis qui vela ducebant, in Am-







libro XLIII. καὶ ἵνα μηδὲν αὐτῶν θεωμένων ὁ ἥλιος λυπήσῃ, πα-  
 ραπέτασμα αὐτῶν σιρικὰ, αἷς γέ πινες φάσιν, ὑπερεπέτα-  
 σεν. id est: *Néue quis spectantium à sole infestaretur, vela*  
*super eos Serica, vt quidam tradunt, extendit.* Nec scio  
 sanè an Plinij libris non exciderit ea Sericorum vox.  
 Iam Nero purpurea etiam vela suspendit, stellis au-  
 reis variè interstincta. Xiphilinus: τὰ γε μὴν παραπε-  
 τάσματ' αὐτῶν διὰ τῆς αἰέρος διαπένοντα, ὅπως τ' ἥλιον ἀπερύκει,  
 ἀλλὰ καὶ ἐν μέσῳ αὐτῶν ἄρμα ἐλαύνων ὁ Νέρον ἐνέεικτο,  
 αἷς ἑρπιδεῖς δὲ χρυσοῖς πέριξ ἐπέλαμπον. id est: *Vela etiam qua*  
*per aërem expansa ad arcendum solem, purpurea erant. in-*  
*que iis mediis Nero acu pictus, currum agitans (videlicet*  
*instar Phœbi) circum verò vndique aureæ stellæ.*

Dubitatio  
 de integrita-  
 te Pliniani  
 loci.  
 Purpurea  
 vela à Nero-  
 ne.

## CAPVT XVIII.

*Eadem Vela à Iuuenali Velaria dicta. Quid Velarij Au-*  
*gustai. Umbellæ usum & causæ fuisse, velis non ex-*  
*pasis. Martialis & Vopiscus explicati. Umbellati clauis.*

Velaria.

**H**AEC ipsa Vela, nisi fallor, Iuuenalis Velaria  
 dixit illo versu,

— pugnas Cilicis laudabat & victus,

Et pegma, & pueros inde ad Velaria raptos.

Nec enim interpretes hîc audio, qui Velaria locû esse  
 adserunt vbi vela recôduntur. Imò aliam ego lucem

Iuuenalis  
 explicatus.

Iuuenali do, & ita capio: quasi laudavit & stupuerit  
 adulator ille, quòd ludis gladiatoris, pueri è pegmate

Raptus arti-  
 ficiosi &  
 sublationes,  
 in pegmatis.

subitò in altum occultâ quadam machinâ rapti sint,  
 & ad Vela ipsa.

Sanè recepti in Amphitheatris tales  
 lusus, talesque raptus. Qualis etiam ille Martiali ex-

pressus,



pressus, de Tauro cū Alcide in æthera rapto, populo spectante & adstupente:

*Raptus abit MEDIA quod ad æthera Taurus ARENA,*

*Non fuit hoc artis, sed pietatis opus.*

Lego etiam in veteri inscriptione, PRAEPOSITVS. Velarii, pro hominibus.

VELARIORVM. DOMVS. AVGVSTAE. sed

alio sensu: quia Velarios ibi accipio, qui praepositi velis in aulâ ducendis. Ita in aliis lapidibus: VELARII.

DE. DOMV. AVGVSTI. & alibi: VELARII.

DOMVS. AVGVSTANAE. Sed redeo ad Theatrica nostra Vela. quæ moneo non semper extensa: quia sæpe id impediēbat ventus. Vela ventus sæpe negabat. Nec mirum in tam laxo & capaci circo. Hispanus poëta:

*Aut Pompeiano vela negata Noto.*

Quid tū igitur? inquires. spectabantne indefensi à Sole? Non prorsus. duplex iis etiā tegmen, siue Pillei, siue Umbellæ. Pillei quidē Thesalici, ut suprà ex Dione rettuli. quem eundem ego censeo cū Macedonico, siue Causiā: inductus à Martiale, qui inter Apophoreta Lemma habet, *Causiā*: (malè enim in plerisq. libris, *Gausiā*.) & accommodat ad hunc theatralem ritum:

Tunc Umbella succedebat, aut Pilleus.

Martialis illustratus & correctus.

*In Pompeiano te etus spectabo Theatro:*

*Nam populo ventus vela negare solet.*

Significat disertè, vsutum se tegmine Causiæ contra solem, si ventus inuidisset vela. Ad eundem vsum refero Pilleos in Theatris ab Editoribus interdū datos, siue birros. Vopiscus in Carino, vbi Iunium

Pillei quæ sine dau.

Messallam eiusq. effusionem in ludis acerbè taxat:

*Donati sunt ab Atrebatibus birri petiti, donati birri Canusini.* At de Umbellâ, Martialis idem:

Umbellæ.

*Accipe*



*Accipe quæ nimios vincant umbracula soles.*

*Sit licet & ventus, te tua vela tegent.*

Quam à faciendâ umbrâ dictam scito, nec aliud tegmen quàm quo hodie in Italiâ passim supra caput suspenso vtuntur, per viam & in æstu. E linteo formant, instar obtusæ & breuioris metæ, quod orbiculatâ virgâ extensum, baculo sustinent supra caput erectum. Iuuenalis de eadem:

*\* Colorabant enim, ut puto, pro fauore cuiusque in hanc illamue Circi factionem: Præstantem, Venerantem, &c.*

*En cui tu\* viridem umbellam, cui succina mittas.*

Et Umbellati clauī apud priscos Architectos, qui capite paulatim instar turbinis latiore: itemq. Umbellati flores Fœniculi, Anisi, Sambuci apud hortenses scriptores. Denique umbella, quod οὐράδιον Græcis.

#### CAPVT XIX.

*Per occasionem, de pilleo quasitum. fuerintne eo vsi Romani? Non videri: imò nec Gallos aut Germanos. Certa tamen tempora fuisse, quibus permissum tegmen: certos item homines. Nodi plerique omnes in eâ re, & scriptores explicati.*

*\* Aulianū*

**D**ESIERAT Florentius, & iam surgebat. sed ego iniectâ blandè manu, Viam mihi aperis eius sermonis, inquam, in quem deferri diu mihi votum. Itaque, per tuam fidem, qui tam multa hodie me docuisti, hoc quoque velut *\* interpreti* adinectire, de Romanorum capite recto siue intecto. Nam causam iis tribuis aut pilicum: sed tantum per ludos. quid ergo censeam? reliquo eos tempore fuisse intactos? agrè id crediderim, in moribus nostris tam aduersis. Florentius renidens, A viâ in semitam me abducis,



ducis, inquit. quam tamen, quoniam valdè velle te  
 video, percurram pede leui. Caput apertum & sine <sup>Pleræque  
 olim gentes  
 capite nudo.</sup>  
 tegmine habere, nō Romanis solum olim, sed quod  
 magis mirère, etiam Græcis veteribus, & fortasse  
 Germanis, Gallisque nobis commune. De Græcis: <sup>Græci.</sup>  
 ecce apud Homerum non causiæ non pillei vsquàm  
 mentio. nec celat nos eius interpres, quin silentium  
 id ab hoc ritu. Quin Horatius in vitâ Hippocratis,  
 anxius est cur imago eius pilleata cernatur. idque a-  
 lii ad peregrinationes eius rettulere, alii ad alias caus-  
 fas, quas ibi vide. At de Germanis, inducit me facile <sup>Germani.</sup>  
 Tacitus: qui cirros eorum nodosq. commemorat, te-  
 gmina nusquam. imò de Sueuis, clarè satis ostendit  
 pugnassee eos etiam capite aperto, crinibus religatis in  
 altitudinem quamdam & terrorem. Et comatos no-  
 stros Gallos, quidni credā eâ parte intectos? Ni fuif- <sup>Galli.</sup>  
 sent, & pleræque imò Europæ gentes: non pilleum  
 apud Parthos demū Martialis, vt nouum, quesisset:

*Frustrâ blanditiæ venitis ad me:*

*Ad Parthos procul ite pilleatos.*

Sed de Romanis ipsis, securus pronuntiame quia si-  
 gna mihi in illis & argumenta plura. Primum hum-  
 mi omnes veteres statuæq. (in quibus cultus scilicet <sup>Parthi tamē  
 pilleari &  
 quod alibi  
 legisse scio  
 Daci.  
 Argumenta  
 quibus pil-  
 leum sper-  
 nimus à Ro-  
 manis.</sup>  
 & habitus priscus) sine tegmine semper. Scriptores  
 item prisce, pilleum aut petasum abstinere videtur à  
 vulgo. Quò facit valdè Suetonij locus: qui Iulium  
 Cæsarem ex omnibus decretis sibi honoribus, non  
 alium libentiùs aut crebriùs vsurpasse ait, quàm ius  
 laureæ coronæ perpetuò gestandæ. idq. ad caluitium  
 celandum. Obsecro vt quid, si pilleus aut petasus  
 illis?



illis? qui certe aptior & fidelior ad dissimulandum caluitium, quam corona. Quintilianus item Oratoris sui descriptio. in quo cum vestium omnium singillatim meminerit, usque ad calceos: in capite tamen format & fugit solum capillum. Sed vossellis te pungo: ecce telum. Eustathius Homeri interpres disertim scribit τὸ τὰς κεφαλὰς ἀκαλύπτειν ἔχειν ad Romanos transisse à priscis Græcis. Cui auctoritati quid opponas? Tamen fateor Tempora quædam & Homines spectandos, quibus ius & usus tegendi. Tempora quinque: Sacra, Ludi, Saturnalia, Peregrinatio, Militia. Nam Romanos dum sacrificabant, capite scimus fuisse velato, idque prisco quodam & obuiο ritu. Idem in Ludis fuisse, docui iamantè. Etiam Saturnalibus, per quos liberrimæ vitæ dies pilleus admissus, signum scilicet libertatis. Martialis:

Excipiuntur tempora quædam.

Sacrorum.

Ludorum.

Saturnaliū.

*Permittis puto pilleata Roma. Idem:*

*Dumque decent nostrum pillea sumpta Jouem.*

Peregrinationis.

\* Qui distinguunt tamen à Pilleo quod ille ad vrbem facientem margi- natum, ut nostri galeri (forma enim in Mercurij statuis:) hic non item, sed quales dormitorij aut nauicij pillei. Militiæ.

Sed & Peregrinatio quoque petasum bono iure sibi sumpsit, contra pluuias, æstus, ventos. Plautus ubique addocet, qui peregrè euntibus aut venientibus petasum aptat. Cicero item alibi in Epistolis, describens tabellarios iturientes, *Petasatos eos venire*, ait, *& comites expectare ad portam*. Nec alius mentis illud Suetonij de Augusto: *Solis ne hiberni quidem patientes, domi quoque non nisi petasatus sub diuo spatiabatur*. Ait, domi quoque, quasi nouum illud & insolens innuens, quod alibi quàm per viam. Denique Militiæ pilleos non adimo, inhibitus à Vegetio: *Usque ad præsentem*, inquit, *ætatem consuetudo perman- sit, ut*



fit, ut omnes milites pilleis quos Pannonicos vocant expel-  
libus vterentur. Nam aliàs, exempla etiam in militi-  
bus pilleorum rara. Iam Homines etiam certi, ut dixi,  
quorum vertex immunis à cōmuni more. Primum  
Liberti. quos in pilleis fuisse, nouā libertate, notius  
& testatius est quā ut hīc dicam. Addo Aegros.  
quibus hoc quoque licuit, capiti firmando. Quidius  
indicat, qui Amanti suo praeit ad morbum & pallo-  
rem fingendum, & pilleolum tribuit inter signa:

Exciuntur  
& homines.

Libertinorum,  
Aegri.

*Arguat & macies animum, nec turpe putaris.*

*Pilleolum nitidis imposuisse comis.*

Artemidorus etiam, qui De Somniis scripsit non  
somniaulosē. Nam libro primo argutē obseruat, tēta  
arti τῆς ἐξουσίας γούρας μαρὰ καὶ φθόνου περὶ τοῦ σώματος: lanam  
pro capillis habere, longos morbos & tabem significare: ni-

Etiam apud  
Græcos.

mirum quia pilleoli isti ē lanā. Sed & Græcis πλῆ-  
θος receptum in morbo. Plato I I I. De Repub. ἰατρὸς δὲ

πρὸς τοὺς μαρὰν δὲ ἰατρὸν περὶ αὐτῆς, πλῆθος τε περὶ τῆς κεφαλῆς  
περὶ δὲ τῆς. Sed & Senibus pilleum tribuerunt, à pari

Senes.

causā. Varronis fragmentum adsignificat, ē libro I.

De Vitā populi Romani: Minores nati, inquit, capite

Aliud ergo  
in maioribus  
fuisse vido-  
tur.

aperto erant, capillo pexa, utique innexis crinibus. Et Ni-

cephorus Gregoras ostendit eum morem cum Ro-

mano imperio Byzantium etiam translatus, li-

bro X. in extremo: De capitis tegmine, ait, moris apud

superiores Principes erat, ut etate profectiones aulici pilleis

turbinatis vterentur, serico tectis: iuniores autem omnes

prorsus nudis essent capitibus. Andronico autem Imperato-

re, is mos adeo exoleuit, ut passim omnes & seniores & iu-

niores pilleis vterentur, non minus in palatio quā in agnis:

I. 2.

usque



*iis que variis & peregrinis.* Sed tamen permixtum hoc potius senibus credo, quam crebro usurpatum. Romæ quidem. nam ubi exempla? Et contra Varronis verba, non nihil etiam inuenire possim, quod probabiliter obstrigilem. Quartum denique genus cum pilleis, sed malè certis aut firmis. Conuiuæ enim fuisse videntur pilleati. Horatius suspicionem clarè facit:

Conuiuæ.

*Ut vinos aglomos furtiua Pyrrhia lane,*

*Ut cum pilleolo soleas conuiuia tribulis.*

\* An vetera-  
torum?

Sed ambi-  
gua ea res.

\* Sicut & Sa-  
turnaliorum  
pilleus, ma-  
uasse videri  
possit à con-  
uiuiali ritu:  
non aliter  
quàm Syn-  
thesis.

Nam habitum conuiualem adtribuere illi nescio cui videtur, & Soleas & Pilleum. Itaque vetus ibi interpres: *Né ue sic suffarcinatus eas, vt vnus de tribu, qui ad canam vadens, ipse sibi soleas fert cum pilleolo.* Et paulo post: *Hæc erat consuetudo\* veteranorum, pilleum portare cum calceis.* Quibus verbis quid sani subsit, haud sanè video. Et ambigo in toto hoc ritu. Primum, quia in tam crebrâ cōuiuiorum mentione pilleos non alibi inuenio. Secundò, quia inepti iidem, me iudice, conuiuantibus, ob vnguenta, ob coronas. Illud credo magis, pilleorum vsum in balneis fuisse: à quibus cum exirent, eosdem aliquando retinuisse etiam in mensa. Certè lapis antiquus Patavij est, ubi conuiuij aliqua forma, & qui accumbunt, partim capite nudo, partim velut pilleolo aut fasciâ deuincti. Sed hem! quod me panè fugerat, Athenæi locus est, qui nescio an\* stabilitor & stator pilleo conuiuiali. Nam loquitur apud eum libro v i. Larensius dilaudans suos Romanos: *ἐσθῆτας δὲ ἔχομεν καὶ ὑποδήσεις εὐτελεῖς, ὥστε καὶ ταῖς κεφαλαῖς περιεμένειν ἀποβάτων δερμάτων διασείας.* id est: *Vestes etiā habemus & calceatus frugi ac simplices, & pilleos*



*Et pilleos capitibus circumponimus ex ouium pellibus densos ac villosos. Nec est sanè ut pilleos illos aliter accipiamus, quàm aut de mensalibus (in conuiuio enim hæc dicta) aut peregrinantibus. Quod postremum ipse Larcius firmare videtur, qui præmisit, Romanos nihil superflui in vestitu habere, ἅτε ἀπερχομένους: .i. ut ego interpretor, nec peregrinantes quidem, aut aliò abeuntes.*

## CAPVT XX.

*Obiectio pro pilleo: eaque remota. Quis mos Romanus in capite aperiendo, & operiendo. Plutarchus explicatus. Palliolum ad caput tegendum: eaque in re Seneca, Petronius, Plautus illustrati nouiter.*

**A**T me, Lipsi, sermoneis iā seriò tædet, & sessionis. Abeo. Imò ego te teneo, inquam: & nodum iniicio, quem prius necessum est soluas. Romanos ad firmas capite intecto: & in parte mihi persuades. Sed de honore tamen quomodo expedis? quomodo caput digniori alicui aperuerunt, si id semper apertum? Nam Sallustius ecce scribit: *Sullam in victoriâ Dictatorem, equo descendere Pompeio vni, adsurgere de sella, CAPVT APERIRE solitum.* Et nequid de militiâ hîc cauillere; audi Senecam, qui recenset ut vulgatissimum morem: *Si Consulem Videro aut Pratorē, omnia quibus honor solet haberi faciam: equo desiliam, CAPVT APERIAM.* Risit secundum ista Florentius, Et heu Gordium nodum! inquit. vbi Tenedia securis? Non vides etiam in illis Senecæ verbis effugium, de militiâ aut peregrinatione? Nam desultum etiam ex equo addit. equi autē vsus infrequens

Caput aperuisse, in honore habendo, Romanos.



Quomodo  
id factum.

Plutarchus  
paulo con-  
sideratius,  
quàm ab in-  
terprete, ver-  
sus.

Laciniâ to-  
gæ caput re-  
ctum.

Interdum  
palliolo, sed  
ab ægris aut  
delicatis.

\* Vide si lu-  
bet Epistol.  
Quasi. lib.  
III. Epist.  
XXIII. su-  
per hoc loco.

Petronio  
lux.

aut nullus in vrbe. Sed tamen confide. non vtar his  
effugiis: veram soluendi viam insistam, sine diuerti-  
culo vlllo aut flexu. Quam præit mihi clarè Plutar-  
chus, in Caussis. clarè quidem vt verba Græca sunt:  
nam interpretes rem totâ inuoluit caliginosâ & delu-  
tâ versione. Ait: οἱ ῥωμαῖοι τῶν ἀνδράπων τοῖς ἀξίοις πρῶς  
ἀπαντῶντες, καὶ τυχῶσιν ἐπὶ τῇ κεφαλῇ τὸ ἱμάτιον ἔχοντες, ἀπο-  
καλύπτουσι. id est: *Romani, sicui obuiam facti sunt, cui honor  
habendus, & si fortè caput veste iniectâ tectum habeant,  
id reuelant.* En capitis omnis tectio: en apertio, quæ  
Romæ. Laciniâ togæ inquam (ea enim Plutarchi  
vera mens) in caput sæpe reiciebant, contra ventum  
aut æstum: eamque detrahebant in honorati alicu-  
ius occurfu. Plutarchus idem eum habitum expressit  
in Gracchis. de Nasicâ: τὸ κεκαυτὸν τῇ ἱματίῃ θεμελιος ἐπὶ  
τῇ κεφαλῇ: *Laciniâ togæ reiciens in caput.* Et passim num-  
mi & marmora præferunt, quoties repræsentant sa-  
crificantes. Atque hæc vulgata tectio, & sine notâ.  
aliam etiam eruo, quæ delicatiorum aut imbecillium  
propria, quæque sæpe cum suspitione luxus. Ea erat,  
vt capite incederent palliolato. Seneca de ingenioso  
nostro, sed enerui Musarū patre: Mæcenatem dico.  
*Hunc esse, qui in tribunali, in rostris, in omni publico cœtu  
sic apparuerit, vt pallio velaretur caput, exclusis vtriusque  
auribus, non aliter quàm in mimo.* Diuite fugitiui solent.  
Plutarchus superbiam Pompeiani liberti, Demetrij,  
taxans: *Domino stante ipse, inquit, accumbebat, ἔχων δὲ  
τὸν καὶ τῇ κεφαλῇ τὸ ἱμάτιον:* Qui locus benè allucet  
illi Senecæ. sicut & huic Petronij describentis accu-  
bitum mollissimi omnium Malchionum: *Pallio, in-*  
*quit,*



quit, coccino adrasum incluserat caput. Et Plauti versum  
ausim illuc trahere, à paucis propriè intellectum:

Et Plauto.

*Tum isti Græci palliati, capite operto, qui ambulant.*

Scænicè enim tangit delicatos & molles istos, quod  
etiam aliàs solet per occasionem. Sed dixi quoque  
ægros eo vsos: haud dubiè cum iustiori iam excusa-  
tione. Nec de alio palliolo capies illa Suetonii, Clau-  
dio cap. II. *Ob valetudinē, gladiatorio munere, nouo mo-  
re, palliolatus praesedit.* Hoc Quinctiliani: *Palliolum,*  
*sicut fascias & focalia, sola excusare potest valetudo.* Item  
Senecæ: *Videbis quosdam graciles, & palliolo focalique*  
*circumdatos, pallentes & egros.*

\* Et si paulo  
aliter ego ce-  
pi, in 1. Sa-  
turnal. meo-  
rum, cap.  
XIII. Nunc  
nuto, & pa-  
ucè mure.

# CAPVT XXI.

*Spoliarij vbi locus fuerit. Gladiatorum cadauera vncō tra-  
cta. Victor illustratus. De gradibus qui intra porticus.*

**E**T satin' vt exsolui hunc nodum? certè me. iāque  
abeo & surgo bonā fide. Simul descendit. ego  
consecutus sum, & ad portam cū venissemus quæ  
ducit ad Forum, Heus tu, inquam: Spoliarium non-  
ne etiam in Amphitheatris? vbi illud? Florentius,  
Non ipsis, inquit, sed iuxta ipsa. Et censeo è regione  
ad alteram illam portam fuisse, quæ, nisi fallor, Libi-  
tinensis. Nam Spoliarium, quod receptaculum mor-  
tuum aut grauitur in Arenā læforum, iure consti-  
tuam iuxta mortualem istam portam. Enimuerò  
solent gladiatores occisi turpiter vncō per Arenam  
trahi in Spoliarium. Docent adclamationes illæ Se-  
natus, quæ apud Lampridium in Commodō: *Gladi-  
atoris cadauer vncō trahatur: gladiatoris cadauer in spoliario*  
*ponatur.*

Spoliarium  
probabiliter  
ad portam  
Libitinen-  
sem.

Gladiatores  
tracti.



Quid sit Funus gladiatorum.

Gradus interiores, per quos ad spectacula adscensus.

Incredenda imperitis potentia Romana.

ponatur. Et hoc idem cenſeo Victorem ſignificare, in Domitiano, cū ſcribit: *At ſenatus gladiatoris more funus ferri, radendumque nomen decreuit.* Iamque ad Porticus veneramus, ad quas ſubſtitit, Vidēſne hos Gradus? inquiens. Paulum etiam adſcende: videbis alios, ita flexos & diſpoſitos aptē, vt quantumvis conferta multitudo ſtatim egredi & ingredi ordinatē & ſine conflictu potuerit. Ordines hi graduum ſiue ſcalarum, vt vides, miro artificio pænē inuicem decuſſantur: & ad oſtiola ſua ſiue Vomitoria ſinguli ducunt. Iam columnæ iſtæ, iam coronæ, epiſtylia, zophori, &, vno verbo, omnia exteriora huius operis, admiranda noſtro ſæculo, non imitanda. Sed hæc videlicet potētia Romana, hæ olim opes: quas etiam docti plerique capiunt dumtaxat & vident per nubem.

## CAPVT XXII.

*De Pegmatis accuratē dictum. Latinis, Confixa Apuleius explicatus nouē. Pegmata libraria in Cicerone. Theatrica qua forma, & cui uſui. Mira in iis & ſtupēda. Varij ad hanc rem ſcriptores aduocati & cum luce dimiſſi.*

**E**GRESSI iam eramus, & viam rectam inſtitimus ad Forum. Atque ego, Hoc vnum etiam Florenti, inquam: vbi Pegmata hīc? aut quid ſibi voluit poēta eo verbo? Nam ruminor Martialis eccillos verſus, quos adduxi:

\* Ponit clarē in viā, & credo illinc in Theatra, ſiue Amphitheatra, duci ſolita, ne locum aliter fruſtrā occuparent.

*Hic vbi ſidereus propius videt aſtra coloffus*

*Et creſcunt mediā Pegmata celfa viā.*

Florentius, Propter are tibi melius ſit, adoleſcens, inquit. Nam vt dici tempus eſt, ad aulam tuam venies vacuis



vacuis iam aulis. cæna inquam tibi comesta erit.  
 Sic fiet, inquam: tu modò aures mihi farci, vt cum  
 Varrone dicā, scholicā istā dape: quā explear num-  
 quam. Age, inquit Florentius: sed vt sine iacturā tuā  
 sit, inter eundem. Pegmata antiqui appellarunt ma-  
 chinas quasdam è ligno, quibus vsus in Theatris aut  
 Arenis. vox Græcā origine est, ἀπὸ τῆ πηγμῆς, quod  
 est Figo, Gelo, Compingo. Itaque Glossæ priscæ  
 πηγμῆς interpretantur *Confixum*. & doctè Apuleius  
*confixilem machinā* dixit, adlusionem ad vim ipsam ver-  
 bi. De Pegmatis enim ego interpretor, quæ lib. III.  
 scribit in apparatu muneris: *Confixilis machinæ sublice.*  
*tuæres tabularum nexibus, instar circumferantæ domus,*  
*\* floridæ picturæ: decora futuræ venationis receptacula.* Pe-  
 gma paullò aliter, pro loculamentis pluteisque libra-  
 riis Cicero dixisse videtur lib. III. ad Att. Epistolā  
 VIII. Nihil venustius quàm illa tua pegmata. postquam  
 misisti, libros illustrarunt valde. At nostrum istud, non  
 aliud quàm grandis quædam & ingeniosa contabu-  
 latio, quæ sponte & occultè statim cresceret, statim  
 subsideret. ideoque compacta raris quibusdam ta-  
 bulis & sublicis. Prudentius:  
*Tabulis supernè strata texunt pulpita*  
*Rimosa, rari pegmatis compagibus.*  
 Quæ ornatus causā, recta læpè argento vel auro,  
 sed tenui. Martialis:

*Hac fuerat nuper nebulā tibi pegma perunctum.*  
 Etsi Caius Princeps, vt Plinij verba sunt, in Circum-  
 (ita lego) pegma duxit, in quo fuere argenti pondo centum  
 viginti quattuor. In his Pegmatis varia inuenta & stu-  
 pendū

K

in figura  
 atheniensis  
 atheniensis  
 atheniensis

Pegma, vn-  
 de dictum.

\* Dubites an  
 non Lucilij  
 iocus apud  
 Cicero. II. De  
 Orat. huc  
 spectauerit.  
 Quid De-  
 cius Nucula,  
 An con-  
 fixum vis fa-  
 cere? inquit.  
 ubi et obse-  
 nitas subesse  
 videtur.

\* Picta enim  
 Pegmata, in-  
 fra ex Clau-  
 dianus.  
 In biblio-  
 thecis pe-  
 gmata.  
 Qualia hæc  
 Theatrica.  
 Et tabulis ra-  
 ris & inter-  
 lucentibus;  
 ad laxanda  
 & compri-  
 menda.



Augustini  
ad pegmata  
non dubia  
allusio.

Graphica  
eorum de-  
formatio in  
Senecâ.

Crescebant  
subito.

Desidebant.

Ruinâ ab-  
sorbebantur.

Appuleius  
correctus.

\*Nisi manus  
recepit.  
Homines  
item, qui  
impositi.  
Petronio lu-  
cem damus.

pendi lusus ingeniorum. de quibus Augustinum lo-  
qui sentio libro XXIV. De ciuitat. cap. XXIV. *Ad  
quàm stupenda opera industria humana peruenit? quæ in  
Theatris mirabilia spectantibus, audientibus incredibilia,  
facienda & exhibenda molita est?* Nam ait, in Theatris.  
Seneca pleraq. ea omnia conatus est exprimere, Epi-  
stola XCI. *His licet annumeres, inquit, machinatores,  
qui pegmata ex se surgentia excogitant, & tabulata tacite  
in sublimē crescentia, & alias ex inopinato varietates: aut  
dehiscentibus, quæ coherabant, aut quæ distabant, sua spon-  
te coherentibus: aut iis quæ eminebant, paulatim in se resi-  
dentibus.* Crescebant, ait, in sublimē. Ideo Martialis,  
*Et crescunt media pegmata celsa via.*

Subsidebant eadem: & recte Claudianus:

*Mobile ponderibus descendit pegma reductis.*

Quin interdum chasinate & ruinâ subitâ dehisce-  
bant: siue tota pegmata, siue homines qui impositi.  
De machinâ ipsâ, Appuleius indicat lib. x. *Iamque to-  
ta suauē fragrante cauea, montem illum ligneum terræ vo-  
rugo decerpit.* siue, vt liber scriptus, \* *decepit: bene &  
proprie.* De hominibus, Petronius: *Non taces, inquit,  
gladiator obscane, quem de RVINA Arena dimisit? Non  
taces nocturne percussor, qui ne tum quidem cum fortiter  
faceres, cum pura muliere pugnaſti?* Significat enim a-  
pertè, fugitiuum illum in Arenam damnatū & cum  
fœdâ muliere aliquâ (non dissimili schemate, quo a-  
sinus Appuleius) cōmissum, ruinâ Pegmatis præter  
spem euasisse. Et clarè iterum: *Ergo me non RVINA  
terra potuit haurire? non iratum etiam innocentibus mare?  
Ausugi iudicium, Arenæ imposui, hospitem occidi, vt inter  
audaciæ*



audacie nomina, mendicus exsul in diuersorio Græcæ vr̄bis  
iacerem. Et solent interdum ita componere pegma &  
hanc ruinam; vt ij qui impositi, præcipites ruerent in  
caueas ferarum: ibique discerperētur. Strabo elegan-  
ter de Siculo quodam latrone qui Aetnæ filius audie-  
bat: πῶς, inquit, ἐν τῇ ἀγορᾷ, μονομάχων ἀγῶνος σιωπῶντος,  
εἰδοῦν διασπαθῆναι ὑπὸ θηρίων. ἐπὶ πῆγμα τος γὰρ πνος ὑψη-  
λῷ πεθεῖς ὥς αἰ ἐπὶ τῇ αἵτης, διαλυθέντος ἀφηνιδίως καὶ συμπε-  
σόντος, κατηνέχθη καὶ αὐτὸς εἰς γαλιάρους θηρίων εὐδιαλύτως  
ἐπίτηδες παρὲς κούας μένας ὑπὸ τοῦ πῆγματι. id est: Eum nos  
in foro, per ludos gladiatorios, discerpi à feris vidimus. In  
sublimi enim tabulato, tanquam in Aetna, positus, eo que  
compagibus solutis subito concidente, ipse quoque cecidit in  
caueas ferarum que facili exsoluerentur, infra tabulatum de  
industria dispositas. Sed & flammaram quidam lu-  
sus & imago in hoc Pegmate: sine vllâ eius plerum-  
que noxâ. Claudianus:

*Mobile ponderibus descendat pegma reductis:*

*Inque chori speciem spargentes ardua flammæ*

*Scena rotet: varios effingat Mulciber orbes*

*Per tabulas impune vagus: pictæque citato*

*Ludant igne traves: & non permissa morari*

*Fida per innocuas errent incendia turres.*

Vopiscus in Carino: Pegma prætereà, cuius flammis scæ-  
na conflagrauit: quam Diocletianus postea magnificentiorem  
reddidit. Duces etiam captiuos & opida in Pegmatis  
folere ostendi, Iosephus adnotat libro v i i. Iudaïci  
excidij: sed non hæc Theatrica intellegens, verum  
Fercula quæ portari solita per triumphum. Verba  
eius: θαῦμα δ' ἐν τοῖς μέλυσσιν παρῆχεν, ἢ τῶν φεομένων πη-  
γμάτων

Homines in  
subiectas fe-  
ras præcipi-  
tati.

\* Forma sci-  
licet montis  
lignæ, vt in  
Apuleio.

Flammarū  
lusus in pe-  
gmate.

\* Adde Apu-  
leij locum su-  
prâ: Floridæ  
picturæ. Pin-  
gi enim hæc  
pegmata so-  
lent.

\* Etiam Ap-  
puleius su-  
prâ nominat  
Captiuos du-  
ces in pe-  
gmatis.

Quæ tamen  
diuersa paul-  
lò ab istis.



μημάτων κατασκευή. καὶ γὰρ διὰ μέγεθος ἦν δεῖσαι τῶν βεβαίως τὴν  
 φορὰς εἶναι ἀπὸ τῶν ἰσχυρῶν. ἑώραγον γὰρ αὐτῶν ὅτι τεξάμεθα πολ-  
 λὰ πεποίητο. id est: Maximam autem admirationē prae-  
 apparatus Pegmatum, quae ferebantur: Nam ob magni-  
 tudinem eorum, iure metuere licebat, & diffidere omnino  
 viribus portantium. quippe quaedam triplici tabulato adsur-  
 gebant, quaedam & quadruplici. Statimque addit: τέ-  
 τακτο δὲ ἐφ' ἐκαστῶν τῶν μηχανῶν, ὅτι ἀλικομένης πόλεως σε-  
 τηρὸς, ὃν ἔοπδον ἐλίφθην. i. Collocatus autem in quoque pegma-  
 te erat captae civitatis dux, eo modo quo captus. Magis  
 propriè ad hæc nostra pertinent Suetonij\* loci duo,  
 alter in Caio, cap. xxvi. Claudio alter cap. xxxiii.  
 quos vide. Ambigo an & Aristoteles ad Alexandrum,  
 ad has machinas non aspexerit: ὡς περ ὁρῶσιν οἱ μηχανό-  
 τεχνολογοὶ, διὰ μᾶλλον ὁργάνων χερσὶν, πολλὰς καὶ ποικίλας ἐπεργείας  
 ὑποτελόντες. Certè\* Apuleius, dum verba ea vertit:  
 Machinatores fabricarum, astutiā vnius conversionis,  
 multa & varia pariter administrant. Parapegmata  
 etiam nominata Vitruvio inuenies, pro instrumentis  
 Astrologorum: & in Laërtio scriptum, Democritum  
 scripsisse Astronomica parapegmata. Inter hos ser-  
 mones, ventum iterum ad Pantheon. ille ad fini-  
 stram, ego ad dextram, vale dicto, defleximus.

\* De quibus  
 non repeto  
 mihi scriptis  
 II. Satyrn.  
 cap. xlv.

\* Qui au-  
 tem illum  
 libellum ver-  
 tit verbatim  
 penè.  
 Parapegma-  
 ta.

FINIS.

INDEX



# INDEX CAPITVM.

77

## CAPVT I.

Dialogi occasio. Florentij Lani. Vrbis diruta, non diruta: & splendida eius ruina.

## CAP. II.

Ad Amphitheatri descriptionem aggressio. Primum de nominibus eius quaesitum. Cur Amphitheatrum dictum, & cur Cauea.

## CAP. III.

Arena nomine dictum eundem locum. idem quia sterni arenam solitus. Cuius generis ea stratura: quam varia? Plinius & Onidius explicati. Arenarum. Tertullianus emendatus, & declaratus.

## CAP. IV.

Ex occasione, de diis quibus Amphitheatrum sacratum. Diana in primis. Ioui Latiari, siue Diti. item Saturno. Ara Iouis in Arenam. Matris ad eam stata vniuersae vestiarum. Tertulliano ac Minutio lux.

## CAP. V.

Quando prima Amphitheatra coepere. videri sero irrepsisse: idque statim post Venationem. Sed lignea primum fuisse. mox de lapide, Statilij Tauri. Augustum deditum Venationibus. Dio correctus. Antiquariarum error in loco Tauriani Amphitheatri.

## CAP. VI.

Tauri amphitheatrum exustum, & reparatum. Aliud maius à Vespasiano structum. Vibe veteri mediæ. Suetonius correctus. Fortasse & Victor. Titus dedicauit id opus. postea collapsum, & saepe instauratum.

## CAP. VII.

Communis Amphitheatri Titiani forma. Altitudo, & capacitas eius. Laus & praecordia. Denique ubi situm. Martialis explicatus.

## CAP. VIII.

Ingressio in particularem Amphitheatri descriptionem. Primum de forma eius: quæ Oualis ostensa. Calpurnius & Dio explicati. De solo Arena: in quo cloaca siue specus. & cui rei? Item de portulis.

## CAP. IX.

De Specubus subterraneis, amplius item de Caueis in Amphitheatris. Linij defectus aut expletus, aut sententia eruta. Porta in caueis, & Plauto lux. Emissio ferarum, & immissio.

## CAP. X.

Aliter atque aliter solere ornari hanc Arenam. in modum siluae, in modum maris. Antra pro caueis: interdum Naues. Vopiscus, Apuleius, Calpurnius emendati.

## CAP. XI.

De muro qui Arenam cingit. de Podio quod super eum, eius formam. Dignissimum eum locum ad spectandum, Senatui attributum, imò magistratibus. Aptum ad curules sellas. Principis ibi Suggestus, Tribunal pratoris: & Vestalium sedes.

## CAP. XII.

Quod tutamen infimo illo Podio fuerit à feriis. Retia solere pretendi, bene nexa, bene firma. Versatilia item quadam ligna: Cancellos ferreos &



reos & Euripos. Sudatum in Calpurnij versibus.

## CAP. XIII.

Gradus, & eorum forma. Diuisi accuratè in suas partes. Pulailli in iis. Precinctiones. Aditus. Via. Cunei. Cathedra. Porticus. Vitruuius, Tertullianus, Martialis, Calpurnius, varij scriptores variè emendati aut illustrati.

## CAP. XIII.

De ordine & locis in sedendo. Quando discrimen id factum. De Orchestra. de Equestribus: & Tribunos quosdam novos fuisse inter Equites. De Popularibus. de que loco Pullatorum & Faminarum.

## CAP. XV.

Confusa aliquando locorum series: eaque occupata. Aes pro Locis. Plautus explicatus, & Suetonius, & Martialis. Designatores, eorum munus. Excitare. Tribuni voluptatum.

## CAP. XVI.

Tabi occulti in Amphitheatri ad Sparsiones. Bas è croco diluto fuisse. Apuleius emendatus. Videri eundem liquorem è statuis emissum. Pluria ad hanc rem exempla.

## CAP. XVII.

Vela in Theatri & Amphitheatri. Quando eorum vsus coeperit. Colorata ea fuisse. aliquando & purpurea, auro distincta. Testimonia plura.

## CAP. XVIII.

Eadem Vela à Iuuenali Velaria dicta. Quid Velarj Augusti. Umbella vsus & causa fuisse, velis non expasis. Martialis & Vopiscus explicati. Umbellati clauis.

## CAP. XIX.

Per occasionem, de Pilleo questum. fuerintne eo vsi Romani? Non videri: imò nec Gallos aut Germanos. Certa tamen tempora fuisse, quibus permissum tegmè: certos item homines. Nodi plerique omnes in eare, & scriptores explicati.

## CAP. XX.

Obiectio pro Pilleo: eaque remota. Quis mos Romanus in capite aperiendo, & operiendo. Plutarchus explicatus. Palliolum ad caput tegendum: eaque in re Seneca, Petronius, Plautus, illustrati nouiter.

## CAP. XXI.

Spoliarj vbi locus fuerit, Gladiolorum cadauera vncò tracta. Victor illustratus. De gradibus qui intra porticus.

## CAP. XXII.

De pegmatibus accuratè dictum. Latinis, Confixa. Apuleius explicatus nouè. Pegmata libraria in Cicerone. Theatrica quàm formâ, & cui vsui. Mira in iis & stupenda. Varj ad hanc rem scriptores aduocati, & cum luce dimissi.

FINIS.



76 79

PRIVILEGII CÆSAREI SUMMA.

**MAXIMILIANI II.** Romanorum Imperatoris semper Augusti, publico edicto caurum & sancitum est, ne quis cuiuscunque status, gradus, ordinis, aut cōditionis fuerit, quacunque sacri Romani Imperij & dinonis eius fines patent, quæcunque probatorum auctorum opera, quocunque vel hætenus nondum impressa, vel ab alijs quidē impressa, novis autem deinceps scholijs, annotationibus aut commentarijs aucta & illustrata, Christophorus Plantinus civis & typographus Antuerpiensis primus typis procederit, intra proximum sexennium à prima cuiusque operis aut voluminis editione, vllō pacto eiusdem vel diuersi characteris forma excudat, aut excusa ab alijs, intra eiusdē Maximiliani & Imperij fines vendenda importet, seu quouis modo distrahat manifeste vel occulte, sub poena decem Marcharum auri puri: quatum dimidia fisco Imperiali fraudis vindici, residua verò patris prænominato Plantino cedat, præter librorum ad imitationem impressorum amissionem: quos idem Plantinus vbiunque locorum nactus fuerit, per se, vel suos, adiumento Magistratus loci, vel citra, propria auctoritate sibi vindicare, inque suam potestatem redigere poterit. In cuius rei fidem ipsi Edicto manu subscripsit, & sigillum apponi iussit Cæsaræa Maiestas. Datum in ciuitate Viennæ Austriæ, die vigesima prima mensis Februarij, anno Domini M. D. L X V.

Subfig.

Maximilianus,

Ad mandatum sacræ  
Cæs. M. proprium

Haller.

PRIVILEGIUM GALLIARVM REGIS.

**CAVTVM HENRICI III.** Galliarum Regis Priuilegio, nequā in omni eius regni libros totos, aut in parte, quoscunque Christophorus Plantinus aut nouos excuderit, aut veteres, sed correctos siue illustratos, aut adnotatos, eosce iterum excudat, excudi faciat, aut excusos vendat. idq; intra sexennium à cuiusque libri editione. Id autem hoc fine, vt ne idem Plantinus, laborum suorum, sumptuumq; meritisq; no fructu priuetur, cogaturq; tandem intermittere aut omitte- re laudabile suum munus, cum detrimento reipub. litteraria, & doctorum. Quā- sontrā fecerit, sciat paratam librorum confiscationem, aliasq; poenas siue multas, quæ Regijs Edictis continentur. Cum lege tamen, ne ydem libri quicquam conti- neant, quod vel Religioni Catholica Apostolica Romana, vel huius Regni Status aduersetur. Atque huius Edicti exemplar cum fronti aut calci cuiusque operis ap- ponetur, nullus typographorum siue bibliopolarum vllam ignorantia causam præ- texat. Datum Fontibellaqua, quinta Augusti M. D. LXXXII.

Signat.

Per Regem

De Neufuille.







81

IUSTI LIPSI  
DE  
AMPHITHEATRIS  
QVÆ  
EXTRA ROMAM,  
LIBELLVS.

*In quo Formæ eorum aliquot & typi.*




LVGD. BATAVORVM,  
EX OFFICINA PLANTINIANA,  
Apud Franciscum Raphelengium.  
CLO. IO. LXXXIX.



AMPHITHEATRIS

EXTRA ROMAM

LIBELLVS



IVGD. BATAVORVM

EX OFFICINA PLANTINIANA

Apud Franciscum Raphelengium

CLX. LXXXIX



IUSTVS LIPSIVS  
ABRAHAMO ORTELIO  
SVO S. D.

**N**A E tu beneficā quādam naturā es, mi  
Orteli: qui rem omnem tuam librariam,  
tam promptē non offers mihi solū, sed  
adfers. Vix iniecerā de libellis aliquot: tu  
mihi promis largiter ex vberē tua penū,  
& ambabus, quod Græci dicunt, mani-  
bus donas. Amo iure, ut antea virtutem modestiamque  
tuam, sic prolixum hunc amorem. nec diffiteor vsui mihi ap-  
paratum istum fuisse, ad meam hanc Arenam. Illa præser-  
tim Serlij. quæ etsi ad Architecturam externam imprimis  
spectant (quam anxie hic non quæsiui:) tamen infuere iis,  
quæ in formā facieque ipsā loci, gressus meos vacillantes di-  
rexerint aut firmarint. Imagines enim aliquot talium mo-  
numentorum cum iudicio & fide representat: quorum ad-  
spectus viam nobis in parte sternit, ad intellectum veterum  
morum. Et quamquam ipsi corā ea olim vidimus, & per  
biennium ferè solum pressimus Domina vrbis: tamen, ut  
adolescentia nostra tunc fuit, nec abdita illa & à fronte re-  
motā rerū penetrauimus; nec cum accuratione excerpimus,  
quidquid ad meliorem vsum. Scilicet erravi eundem erro-  
rem, quem plerique hodie mihi compares: & pueritiam ado-  
lescentiamq. peregrinationibus dedi, quæ iudicium & dile-  
ctum profecto quærunt. id est, virum. Quot mihi in animo  
& oculis ex istis, qui varias terras & maria circulati  
sunt? adeo cum nullo suo fructu, ut plerique vitia tantum  
imbiberint,



imbiberint, & animi corporis que morbos. Partem eorum Scylla quadam libidinum abripuit: partem Charybdis aliarum Voluptatum. Nos ipsi quod salui fretum hoc enauimus; nunquam alteri adscripserim, quam Bono meo deo. Iam illi qui rem fecisse sibi atque aliis videntur, quid referunt ex hoc mercatu? externos gestus, simulationes, linguas: boni moris ac virtutis, pauci igniculum aliquem aut semen. Atque ut Appion ille, falso Polyhistor, cum Homerum ab inferis magno molimine euocasset, nihil eum interrogauit nisi, Unde domo? sic plerique istorum adolescentium, in occasione præclara discendi, futilia tantum consecretantur. Itaque ut veram peregrinationem laudo, susceptam maturo iudicio, maturo auro: (dux enim illa, non nego, ad prudentiam & rerum usum:) sic iuuenilem & vanam hæc iure abhorreo. quæ mihi similis longæ nauigationi videtur, sine metâ, sine portu. Factatur in navi, circûaguntur variis ventis: & cum ad terram & ad seipsos flectunt oculos, vident non multum se, sed diu nauigasse. Sed aberro, & in hoc peregrinationis sermone à re meâ ipse peregrinor. Domû & ad me, imò ad te redeo: cui donum mittimus, Imaginum eiusmodi aliquot Amphitheatralium delineationes. Ac plura sanè superesse scio in Italiâ, Hispaniâ, Galliâ: sed cum omnia ferè ad par exemplum, quid opus pluribus exemplis? Illustria aut nouata sumpsi: & dono per se tenui & non dono, bracteam aliquam verborum circumdedi, & velut lucem nostræ interpretationis. Tu, mi Orteli, paruum hoc, sed non fallax animi mei monumentum habe. monumentum, cui, ex vetere formulâ, DOLVS MALVS ABEST. Vale.

I. LIPSI



## DE AMPHITHEATRIS

QVÆ EXTRA

ROMAM LIBELLI,

CAPVT PRIMVM.

*Amphitheatra crebra admodum in prouinciis fuisse:  
eorumque aliquot recensio.*



I ædificij aut publici operis vllum genus crebrum in Italiâ & prouinciis fuit: reperies hoc fuisse, quod ad ludos. Vt enim Romani victis gentibus linguam & mores intulere: sic vitia. hæc præsertim, quæ blandiebantur, & admissionem sibi postulabant specie quadam amœnæ voluptatis. Itaque Theatra, Circi, Stadia exstructa passim: sed imprimis Amphitheatra, quia omnis plebs dedita maximè in spectaculis illis crudis & cruentis. Historiæ passim docent, & Christiana item Martyrologia; in quibus toties mentio puri illius sacrique sanguinis in ferinâ hac sede effusi. Quod si tamen non ingerant libri: certè oculi. cum etiam nunc ruinæ & reliquæ vbique occurrât infelicium locorum. Et de aliis prouinciis dubitemus? Ecce Iudæa illa ipsa conscia dei veri, dei magni, in hanc culpam venisse reperietur: quamquam sine suâ parè culpâ. Herodes enim, magnificus sanè & cetera illustis rex, non vno loco Iudææ Amphitheatra inædificauit: siue ipse pronus in eos ludos, siue studio quodam hac quoque parte placendi Romanis. Ex-

Amphitheatra passim in prouinciis.

Plebs addita sæuis ludis plerumque. Martyres obiecti bestiis.

In ipsa Iudæa, Amphitheatra:

Herode exstructe.

L 3

struxit



struxit in ipsâ vrbe sacrâ, ἐν τῇ πεδίῳ, vt Iosephus ait, Ἀμφιθέατρον μέγιστον. Item Cæsareæ, ait idem scriptor, ἀμφιθέατρον κατεσκεύασε πολὺν ὄχλον ἀνθρώπων δέχεσθαι δυνά-

In orbe item  
toto Roma-  
næ.

μῶνον. Nec de Græciâ mihi aliquis dubitet, Africâ, Asiâ, Hispaniâ, Galliâ, non certè is, qui res & mores in parte norit sæculi vetusti. Audeo adfirmare, raram aliquam siue coloniam siue municipium fuisse, in quæis non & ludi isti, & ludorum simul sedes. Adeò velut tabes quædâ, animos omnium peruaserat ludicrum istud studium, an furor. Itaque vix aliqua prouincia etiâ nunc est, in quâ non vestigia Amphitheatrorum: quædam obscura & fugientia longo æuo, quædam clariùs exstantia & viua in parte. Quorum non equidem accuratum Indicem polliceor: (multa me fugiunt, scio:) sed pauca tâtum fidei causâ subiiciam, visa nobis aut firmiter audita.

Reliquiæ id  
docent.

Index Am-  
phitheatro-  
rum aliquot,  
quæ hodiè.  
\*Hodiè Tra-  
iecto.

Exstat igitur hodieque in Italiâ, ad Lyrim Cāpaniæ fluuium (Garigliano nunc dicunt) iuxta \* Minturnas, pars Amphitheatri latericij benè conspicua. Exstat secūdò, Puteolis, pariter Amphitheatrum latericium.

Tertiò, Capuæ, sed magnificū & è solido marmore.

Quartò, Albæ in Latio; è quâ materiâ (nō enim vidi aut accepi) mihi incertum.

Quintò, Otriculi, in Vmbriâ. materiem ignoro.

Sextò Veronæ pulcherrimum: cuius pleniorē descriptionem, vnâ cum designatione mox dabo. Hæc, quod sciam, in Italiâ.

At in Græciâ etiā, Athenarum veterum solo conspici aiunt magnificum & marmoreum.

In Istriâ,



In Itriâ, Polæ ad mare Hadriaticum: quod item  
mox subiiciam.

In Hispaniâ, Hispali extra muros, nisi fallor: pul-  
chrum, sed cuius formam nancisci mihi non fuit.

In Galliâ, Perigeusij in Petrocoriis (urbem eam,  
Vesunam Ptolomæi fuisse volunt) pulchrum & satis  
integrum, extra mœnia. cuius icunculam vidi, sed  
parum exactam aut certam: ideoque mihi non po-  
nendam. E lapide quadrato est, & Arenæ eius lon-  
gitudò x x x perticarum, latitudo, x x.

Arelate etiam esse aiunt, sed parum integrum.

Burdegalæ exstat, quod videre multi: nec descri-  
ptionem tamen sum nactus.

Nemausi est celebre & notum, cuius infrà do-  
formam.

Ad Ligerim mirū, & quod miror haud satis no-  
tum: cuius item do formam.

Hæc præcipua, quæ satis quidē certò acceperim,  
in nostrâ Europâ. nisi quod etiam in Heluctiis ex-  
stat, Auentici.

Dignum autem notâ, quòd etiam hodie hæc Amphithea-  
tra, vulgò  
Arenæ.  
omnia ferè loca, Arenas appellant: retentâ priscâ sci-  
licet & vulgatâ voce.

## CAPVT II.

*De Veronensi Amphitheatro: & primò, quando, vel à  
quo structum.*

**P**ost illud Romanū, inter pulcherrima & inte- Veronense,  
marmoreū.  
gerrima Veronense Amphitheatrū esse fateamur.  
quod è marmore totum. Quando, & quis struxerit,  
multi,



De auro eius  
quæsitum.

Quidam ad  
Augustum  
referunt.

Leuibus his  
argumentis.

Quæ refu-  
tamus.

Amphithea-  
tra posterius  
nata, quàm  
Theatra.

Taurina ca-  
pita, parer-  
ga operum  
sunt.

multi & diu quærunt. Torellus Sarayna, qui Veronam suam descripsit adfectu magis eximio, quàm successu, suadet nobis valdè vetus esse & structum ante tempora Augusti, aut certè illis ipsi. Sed argumenta huic rei quæ adfert, nō sunt profectò à deâ Pitho. quæ recensebo & refellam breuiter; vt in re ludicrà, per lulum. Iamprimum hoc sibi sumit, Amphitheatrum antiquius esse quàm Theatrum, quod ibidem cōspicitur iuxta Athesim flumen. At Theatrum hoc exstructum est, inquit, ab Augusto. magis igitur Amphitheatrum. Item: lapides in eo aliquot tauri effigiem habēt insculptam. taurus autem, symbolum Augusti: quoniam & in nummis expressus, & natus ipse ad Capita bubula, vt Suetonius testatur. clarum igitur Augusti hoc esse opus. Sed & lapis alius Veronæ, qui præfert, OCTAVIAE C. F. ET. SORORI. CARISSIMAE. constat verò Octauiam hanc sororem fuisse Augusti. Denique duodeviginti colonias per Italiam Augustus deduxit, easque variis operibus instruxit, narrante Trāquillo: inter eas Veronam fuisse, nihil ambigendum. En argumenta, è plumbo an è vitro? Nec refellam, nisi libeat mihi paullisper ridere mimicum hūc risum. Ait primò, Amphitheatrū antiquius Theatro esse. Non credo. & causa hæc, quia vbique ferè locorum, ludiscanici priores origine & vsu muneribus istis: igitur & eorum sedes. Quid opponis? tauros. & illi, inquis, insculpti in hoc opere. Quid tum? nempe vt ornamentum operis, non vt auctoris indiciū. Quòd si omnia ad Augustum trahes, vbi tauri: quis finis? Etiam



Etiā Nemaufense illud gloriabitur structore Augu-  
 sto. Sed tamen hoc eius Principis symbolum: quo-  
 niam nummi Augusti, cum impresso tauro. Etiam  
 aliorum, ô bone senex, quia taurus siue bos coloniæ  
 deductæ nota, non peculiare aliquod signum. At  
 enim Augustus natus ad capita bubula. O tu quo-  
 que inter ea! & ignosce. non enim vltà comprimo  
 hunc lienem: non, si ego obiciendus vero tauro. Sed  
 in Octaviâ etiam es suavior. ais illam fuisse sorem  
 Augusti. Quis tibi fecit indicium? ego imò illum la-  
 pidem sepulcralem fuisse verius auguror, & municipi-  
 palis alicuius Octaviæ: non illius Principalis, quæ  
 mortua & sepulta Romæ. Nam de coloniis, & per  
 eas Augusti operibus sparsis: communiter nō nega-  
 mus. ad Veronā tuam si adstringis, opus sit alio te-  
 ste. Sed ecce quoque cum, inquis. Nam Cyriacus  
 Anconitanus in Itinerario suo scribit his verbis: *De-  
 nique Veronam feracissimam & antiquam civitatem venit,  
 ubi non exigua veterum monumenta comperit, præsertim  
 Labyrinthum quod Arena nunc dicitur. & habetur quod  
 constructum fuerit anno imperij Octaviani Augusti trigesimo  
 nono. Cuius pars exterior terræmotibus corruit.* Tibi-  
 cen hic aliquis, fateor: sed parū firmus. Famæ enim  
 innititur: quæ in his talibus, plurimum fallax. Et cur  
 credam Augusti ævo structum in coloniâ hoc egre-  
 gium opus: cum ne Romæ quidem tunc fuerit, & in  
 vrbe matre? Nam Amphitheatra mansura & lapidea  
 tardè ibi cœpère, & sub Augusto. Valdè autem veri-  
 simile, exemplum illinc manasse ad vrbes subditas &  
 minores: non autem contrā. Itaque Taurello nostro  
 M. siue:

Bos in Nū-  
 mis Colo-  
 niam notat.

Cyriacus  
 cum Torel-  
 lo facit.

Sed ei quo-  
 que fides ab-  
 rogata.



Sigonij opi-  
nio super  
hacre, lib. i.  
Hist. occid.

Denique,  
mea.

\* lib. vi.

Placentiæ  
egregium  
olim Am-  
phitheatru.

Quâ mate-  
rie fuerit, &  
quomodo  
amburi fa-  
cile.

siue Cyriaco, nihil adsentior de tam grandi æuo. E-  
grè etiam Carolo Sigonio prælustri viro, qui nimis  
nouitium facit, & refert ad Maximiani æuum: hoc  
solo argumento, quòd is in viciniâ pleraq. condide-  
rit ampla & magnifica, Mediolani, Aquileiæ, Brixia.  
Ego, etsi certus sum nihil in hac re esse certi, tamen  
paullo antiquius quàm pro illo Principe suspicer. Pri-  
mum, quia iam tum Plinij Secundi æuo, Gladiato-  
rum & Ferarum spectacula Veronæ satis crebra. præit  
ipse in \* Epistolis, in quadam ad Maximum Africa-  
num. Deinde, Othonis & Vitellij principatu, Placen-  
tiæ vicinisq. opidis insignia Amphitheatra fuisse scio:  
quàm minus tunc Veronæ? Certè de Placentino, egre-  
gium testimonium Corn. Taciti, secundo Historia-  
rum: *In eo certamine PVLCHERRIMVM AMPHI-  
THEATRI OPVS situm extra muros conflagrauit. siue  
ab oppugnatoribus incensum, dum faces iaculantur: siue ab  
obsessis, dum regerunt. Municipale vulgus prouum ad su-  
spiciones, fraude illata ignis alimenta credidit à quibusdam  
VICINIS COLONIIS, inuidiæ emulatione, quòd  
NULLA IN ITALIA MOLES TAM CAPAX  
esset. Vbi & laudes eius ampli operis amplas vides: &  
simul (si attendis) crebra iam & vulgata per Italiam  
Amphitheatra fuisse. Sed quod combustum Placen-  
tinum illud ait: fortasse hæreas. & quid? fuitne igitur  
ligneum? De toto, non opinor de parte, suspicor: eâ  
scilicet, quæ subsellia & gradus internè complexa. At  
exteriora omnia, firma & è lapide fuisse censeo. ni  
fuissent: cur vt de magnâ iacturâ aliquâ historicus  
noster questus? Fuerit igitur ad eam formam, ad  
quam*



QVAE EXTRA ROMAM LIBEL. 91  
quam Polanum illud, quo de infra. Nec plura de or-  
tu Veronensis Amphitheatri dico, aut magis certa.  
En ipsam formam: nō eam prorsus quidem vti nunc  
conspicitur, sed adiutam, vt solet, leuiter ab antiqua-  
riis & Architectis. Ex iis enim quæ restant, facile  
conceptu totum opus & designatu.

Huc pertinet Figura Amphitheatri Veronensis

CAPVT III.

*Descriptio eius distincta magis, & dimensio.*

**A**DDAM nonnulla quæ ad formæ eius intelle-  
ctum: & quod penicillus non potuit, calamus  
hic mihi explebit. Paries totus exterior (Alam vulgò  
vocant) è marmore est, opere quod Rusticū dicitur  
factus. Diuiditur in Arcuum tres ordines, qui alij su-  
per alios scandunt. Quisque ordo, Arcus continet si-  
ue fornices septuaginta duo. In supremo ordine, sta-  
tuæ olim columnis adsitæ vel insitæ potiùs, vti vesti-  
gia docent. Supra eum ordinem, paries adfurrexit, in  
quo fenestræ grandes, quadratæ, LXXII. Earum  
vsus, me quidem iudice, ad aërem & lucem haurien-  
dam, cum Amphitheatrum velis tectum. siue etiam  
ad vêtum: quia refrigerio certè opus, in æstu, & con-  
cursu tot animarum. nec alius huiusmodi forami-  
num vsus censendus, in illo etiam Romano. Ar-  
cium dimensio, auctore Sebastiano Serlio eximio  
architecto, hæc. Primi arcus altitudo pedum XXIII.  
latitudo, XII.

Columnarum vtriusque altitudo, pedum XXVI.

M 2

Epistylj

Marmoreū  
Veronense  
Amphithea-  
trum.  
Triplici or-  
dine Arcuū.  
Statuæ ad  
columnas  
superas.

Vsus fene-  
strarum  
quarundam



Epistylj deinde, Zophori, Coronicis, pedum circiter  
VIIII. & s.

Altitudo secundi arcus, pedum XXXIII. latitudo,  
XII. Columnarum eius altitudo ped. XXVII. s.  
Epistylj, Zophori, Coronicis, pedum IX. s.

Tertij arcus altitudo, pedum XVII. s. latitudo  
IX. s. Columnarum, XX. s. Coronicis, V.

Porticus tri-  
plex iuncta.

Earum men-  
suratio.

Portæ plures  
in Amphitheatro.

Eius dimen-  
sio interior.

\* Alij tamen  
plures volūt.

Graduum  
numerus &  
dimensio.

Præcinctio.

Scalaria.

Quam ca-  
pax cauea  
tota fuerit.

In parte imâ (ad terram enim iterum descendo) tri-  
plex continuatur Porticuum ordo, quæ ambiunt &  
sustinent totum opus. Ex iis, Porticus extrema, lata  
pedes XIII. Media, pedes IX. s. Intima, pedes VII. s.  
Ex hac, portæ siue aditus decem & octo in Aren-  
nam. interque eas duæ grandiores oppositæ, quæ  
longissimum Amphitheatrum est. quarum latitudo,  
pedum XII. vnciarum VI. At Arenæ ipsius longi-  
tudo, perticas continet XXXVIIII. latitudo, XII.  
ita vt in perticâ pedes numeres VII. Gradus spectacu-  
lorum (\* Torello definiente) non plus quadraginta-  
duo: alti singuli pedem & vncias II. lati, pedes II.  
Excipio quod in mediâ caueâ, gradus vnus est excel-  
sior: (vnum dico, ex Torelli mente. nam qui For-  
mam hanc nostram concepit, tres adnotauit.) qui al-  
tus pedes II. vncias VII. Eum, Præcinctionem siue  
Diazoma censemus. At Scalarm gradus, qui ad Vo-  
mitoria: minores scilicet, quàm illi sessiles, nec alti  
plus quàm vncias VII. lati tamen adæquè ac sessiles.  
Sedere in his Gradibus potuere, Torelli calculo, ho-  
minum ad viginti tria millia centum octogintaquattuor:  
ita vt singulis pes & medius assignetur ad sessio-  
nem. Harum omnium mensurarum auctores mihi  
Torellus



Torellus & Serlius: nec in re quæ manuum & linearum <sup>Auctores, quibus hic aitor.</sup> est, fidem meam ego temerè obstringam. Plura & magis minuta quisquis voles, apud eos vide.

CAPVT IIII.


*De Amphitheatro, quod Pola.*

**P**OLAM urbem Istrię maritimam esse scimus, <sup>Pola ad Mare superum.</sup> Colonię Romanorum priscā, & quę Iulia Pietas olim dicta. In hac vestigia & reliquię multę antiquorum operum: duumque inprimis insignium, Theatri & Amphitheatri. Vtrumque Seb. Serlio <sup>Seb. Serlij laus.</sup> accuratè descriptum: cui viro præter proprias laudes, obuenticia illa accedit, quòd doctor & ductor fuit ad Architectonicen, Gulielmo illi Philandro, viro <sup>Item Philandri.</sup> verè perito & apud magnos magno. Sed hoc Amphitheatrum Polanum aliā quādam formā & facie <sup>Nova forma Polani Amphitheatri.</sup> structum, quā ea quę alibi videmus: ideoque iure me allicuit ad exprimendum. Non enim è lapide aut vno opere tota moles fuit: sed exterior tantum pars, <sup>Semilapidum fuit, & semiligneum.</sup> quę lapide quadro adfurgit cum colūnis suis, opere item Rustico facta. At interiora omnia mēbra, subsellia, aditus, gradus, podia è ligno fuisse certum est, & pro tempore construi potuisse, destruique. Itaque hodie <sup>Intus hodie vacuum: lignis videlicet igne, vel quā aliā vi assumpris.</sup> totum illud internum vacuum apparet, nudo tantum muro: & quod in tabellā nostrā expletum hīc vides, à manu est & mente Serlianā. Situm est in vrbe mediā, ad montem, totiusque operis dimensiones pete, si voles, ab eo quę dixi, accurato architecto.

M 3

AMPH.





CAPVT



## CAPVT V.

*De Amphitheatro Nemaufensi.*

**N**O TI hoc nominis & celebris, non per Galliam solùm, sed per Europam. Et credunt multi eximium etiam olim opus fuisse: non ego, qui scio maiora multò & operosa magis habuisse Lugdunum, Viennam, & nobiles illas Galliae vrbes. Præ quibus, quid Nemausus? Nomen tamen non iniuriâ retinet: quia & pulchrum est quod satis sit, & integrum magnâ parte. Quando vel à quo structum, nescimus: nec nugari mihi aut rixari iterum cum aliis lubet. Formam eius saltem dimidiatam hîc adpono. cetera vide & quære apud Iohannem Poldum Albenatem, in libro quem inscripsit Antiquitates Nemausi.


Nemaufense non olim inter maxima.

\* Vtrobique hic Amphitheatra nominat Eusebius in Eccl. Hist.

Ortus eius ignotus.

AMPH.





AMPH. NEMAVS.

CAPYT



## CAPVT VI.

*De Amphitheatro ( incolae siue accolae potiùs, Arenas etiam hodie vocant ) quod ad Ligerim, iuxta Doueonam. in quo describendo fidem meam nihil tamen obligo. vetùsne an nouum, vera commensuratio an falsa, pendeat à meo auctore.*

**A**MPHITHEATRVM mihi superest mirum, nouum: & quod latere tamdiu in illâ Galliae luce potuisse vix fides. Nullumne ex tot curiosis & auidis ingeniis vidisse, notasse, prodidisse? nullum. Itaque fateor. cùm delata primùm ad me res fuit (delata autem ab Cornelio Aquano, viro eiusmodi monumentorum veterum diligente:) hæsi, medius inter credendi temeritatem & pudorem reiciendi. Valdè enim ille adseuerabat. & simul Forma, quam offerebat, videbatur non esse nouitiæ aut calidæ inuentionis. Tamen etiam hærebam. donec perueni ecce ad caput ipsum famæ & huius & formæ, qui non auribus suis, sed oculis sensibusque id credi volebat. Cur repugnarem? vidisse seriò adfirmabat, calcasse, deformasse. Is fuit Læuinus Kerfma-kerus, vir grauitate & doctrinâ apud nos notus: qui in finitimis huic Amphitheatro locis, aliquot annos egit. Non semel ipse lustrârat, non semel cum eo alij: quos etiam nunc viuos nec procul positos, testes aduocabat obseruationis suæ & dimensionis. Itaque ausus sum hac fiduciâ Formam totius operis dare & descriptionem: quæ à mente quidem & linguâ

*Diu irreper-  
tum Amphi-  
theatrum, &  
tamen re-  
pertum.*

*Quis mihi  
auctor huius  
descriptionis  
totius.*

N

aliena



aliena erit, à stilo tamen & ordine nostro. in quo si-  
quid peccabo, designando aut dimetiendo: quæ mea  
culpa esse potest, præter credulitatem? quam non ni-  
mis herclè deprecor; quoniam reuerâ, vt Comicus  
ille ait,

\* Hic morbus  
esse proprius  
bonis amat.

\* ΑΥΤΗ ΓΕ ΧΕΙΡΩΝ ΕΣΤΙΝ ΑΝΘΡΩΠΩΝ Η ΝΟΣΟΣ.

Semi-nati-  
uum Amphi-  
theatrum.  
Vbi id sitū.

\* Vulgè pont  
du Sey.  
\* Gallis  
Dowé.

Montis de-  
scriptio.

Quâ parte  
cuius, hoc  
opus.

Est igitur hoc Amphitheatrum, quod dico, ma-  
nu quidem & arte humanâ factum; sed ita, vt videri  
possit à naturâ. totum enim excisum & cauatum est  
in monte, sine externâ vllâ materiacione calcis, lapi-  
dis, ligni. Mons in quo & è quo id est, abest plus  
minus diei mediæ itinere à Ligeri fluuio, parte eâ quâ  
ab Andegauis in Pictones itur: vbi pons priscus, quē  
Cæsaris aliqui appellant. Pagus haud procul inde,  
qui dicitur\* Douæus. Mons est lapideus totus, cuius  
generis ibi plures: sed lapide tamen non planè duro,  
qui que cæsura & ferrum facillè admittat. Color ei,  
qualis Tyburtino: è quo Titi Romæ Amphitheatrū  
est. Magnitudo montis, paullò minus milliare Gal-  
licum in latitudine; in longitudine, duo circiter con-  
tinet. sed ea tamen facies, vt in edito satis planus &  
iacens sit, & ab lateribus vtriusque clementer adsur-  
gat. Cortex, vt sic dicam, & tegumentum vniuersi  
montis, è terrâ est: viscera tantum è lapide. Ideoque  
non gramine solum, sed segete sæpè vestitur. In sum-  
mo, sed paullò tamen ad latus, hoc Amphitheatrum  
repperis; haud facillimè, quia etiam præscios, nisi  
intendant animum, fallat. Cùm enim supernè despi-  
cis; aliquem cauū aut puteū censebis, ex istis qui ob  
lapidum



lapidum excidia vulgati ibi & crebri. Atqui aliud profectò opus est: & à Dædalo quopiam acutè inuentum, adfabrè factum. Gradus subselliorum à summo margine statim incipiunt; minuunturque, vt solet, paullatim euntes in decliue. A summo, dico, incipiunt: vt nunc quidem aspectus est. olim vix ambigo, quin cancelli aut\* murus aliquis circumpositus fuerit, siue ad ornandum siue magis ad seruandum. Aliquid enim certè sepimenti fuisse debet, ad pecudes arcendas & petulcos. At nūc tamen descendens, pedem statim ponis in ipsis gradibus: quorum, primo initu, confusus satis adspectus. Terrā enim & puluere cottidie complentur: quæ ventus inuehit aut imber. Itaque gramen etiam ibi passim: & formosa olim nec ad hunc vsum loca, perambulant informes oues. Qui hæc nobis narrauit, addebat, cultris & ferramentis ea omnia à se & comitibus perpurgata, vt formam intuerentur exactè. Gradus aiebat esse numero LIV. quorum supremus, latus capaxque in orbem ped. DCCXLII. Linea dimetiens in summo, longa pedes CCCXXXVI. At ab imo gradu, statim sequitur murus, qui Podium attollit & Arenam claudit: estque altus pedes IX. Inde area: & in eā mediā (præter morem quidem omnium eiusmodi theatrorum, quod sciam) tumulus quidam rotundus, eleuatus, ex eodem lapide: altus pedes VRI. aut paullò amplius: longus in diametro, pedes XXX. Is planus in superficie & æquus; excipio quod ad oras à medio paullum vergit & declinat. In eo ipso tumulo, æquis

Gradus in  
margine, &  
à margine  
summo.

\* Isque cum  
suis portis &  
ianuis. Non  
enim hic Vo-  
mitoria vlla  
aut Aditus  
alij in gradi-  
bus.

Gradus gra-  
mine obiti  
& terrā.

Eorum nu-  
merus.

Amplitudo  
loci in sum-  
mo.  
Podij murus.  
Arena, & in  
eā tumulus.

Foramina in  
tumulo.



Putealia, ad  
ea regenda.

Scalæ, ad  
ostiola.

Foramina  
alia adiu-  
cem.

Cavus in  
medio tu-  
muli.

Cui vsui.

Arenæ reli-  
quæ forma.

interuallis, sex foramina quædam rotunda item, lata pedes v. quibus imposita vel adiuncta putealia (omnia, semel dictum volo, ex vno eodemque lapide) paullo grandiora quam ipsa foramina, ut necesse est, contra illapsum. His putealibus inserti annuli crassi ferrei fuere, (vestigia & ærugo clarè docent:) ut baculo iis inserto, admoueri possent vel amoueri. Nam aliàs, pondus iis satis grande, quodque duo homines ægrè commouerint. Hæc foramina velut ostiola sunt, quæ per scalas quasdam cochlides siue incuruas, ad Viam infrà ducunt de quâ mox dicâ. Scalæ igitur rotidem, quot foramina: quæ singulæ gradibus nō magnis XIII. constabant. In orbē tumuli, in ipso muro, foramina quadra exsecta, quæ Scalis illis lumen infundebant ad ascensum aut descensum. Foramina hæc singula, ita collocata, ut vnū seruire Scalis duabus possit; velut ex iconè vides. At in meditullio ipso huius tumuli, cavus est rotundus siue puteus: quem ambigebat meus doctor antiquumne diceret, an ab histrionibus illis factum, de quibus mox referam. Certè ij vsi sunt ad malum defigendum: à quo funes dependèrent, & per eos fluitantia vela. Formæ nostræ sculptor haud satis aptè id expressit: captu alioqui prouum.

Circa hunc tumulum, ut dixi, depressior multò Area ambit: quæ lata vndique vsque ad murum podij, pedes xv. Itadiametrum totius Arenæ esse oportet, pedum lxx.

Hæc Amphitheatri ipsius imago. at iuxta ipsum, in eius



in eius latere bina grandia & rotunda, siue Cubicula  
 siue potius Camerae occurrunt: in eodem illo lapideo  
 monte seorsim excisa. Forma eorum velut pillei  
 nautici, siue prisca Romani. Lata sunt in imo, pedes  
 circiter LXXX. sed in altum paulatim arctantur.  
 In fastigio vtriusq. Foramen patet rotundum, gran-  
 de pedes LX. quod ad lumen infundendum seruit:  
 prorsus eo modo quo Romae, in Agrippae vidimus  
 templo. Cubicula haec, cetera paria sunt: hoc diffi-  
 cilius, quod vnum, aditus peregre habet, alterum, non  
 habet. Ita enim sita sunt, vt alterum Internum videa-  
 tur, alterum Externum. Per hoc, in illud ingressus  
 patet, per breuem & fornicatam viam: aliàs vndique  
 clausum. At Externum aditus siue vias habet tres.  
 Prima ducit subterraneo meatu ad Tumulum qui in  
 Arenâ, & per Scalas illas ad ostiola tendit. ita vt infra  
 gradus omnes subselliorum totumque Amphithea-  
 trum abeat, vt cogitanti clarum. Longitudo primae  
 huius viae pedes CXXV. latitudo, ped. VII. altitudo,  
 ped. VIII. Altera paullò breuior, pariter meatu infe-  
 ro tēdit infra omnes gradus, & in muro podij emer-  
 git: ita, inquam, vt in Arenam ipsam rectā ducat.  
 Haec priore minus lata, minus ampla. Tertia via, op-  
 posita istis, foras spectabat & vallem montis. Per  
 eam ingressus in hoc Cubiculum: per eam item, vt  
 apparet, omnis pluuia & confluges aquarum deriua-  
 ta ē toto Theatro Cubiculisque. Forma harum via-  
 rum similis. factae omnes in lapideo monte, & ca-  
 uatae in arcum.

Cubicula  
 adiuncta  
 Amphithea-  
 tro.

Situs & de-  
 scriptio co-  
 rum.

Via in alte-  
 ro tres.

\* Nec alia in  
 muro illo por-  
 tula: contra,  
 quam in Ro-  
 mano aliq.

\* Sic tamen  
 vt in acui-  
 panē desine-  
 rent, came-  
 ratione hanc  
 planē rotun-  
 da.



De usu hu-  
ius loci.

Quē nescias  
Amphithea-  
tralem, an  
Theatralem  
facias.  
Sunt enim  
quæ repu-  
gnent Am-  
phitheatro.

Et Theatro  
potius adia-  
dicent.

Cui tamen  
alia iterum  
obstant.

\*Ita inquā,  
ut dimidiata  
pars loci  
pars in se ipsa.

Opus eiusque membra (vt quidem conceptus & expressio mea ferunt) sic habent: usum, si placet, breuiter & leuiter delibemus. qui mihi etiam haud satis certus. Nam forma ipsa Amphitheatri videtur. clausum enim in orbem vndique. & vix tamen est vt Amphitheatralis vsus. Primum tumulus ille qui in medio surrector, quid ad pugnam aut cursum? Æquitatem enim ea res & planiciem postulat, non tumorem aut colles. Deinde area ipsa circumiecta, nōne exigua & angusta ad Venationes? certē apparet. Quomodo enim satis liber in illo quindenū pedum spatio, cursus ferarum hominumque, ac recursus? An de Theatrali & scænico igitur vsu verius est? Non abhorret ille tumulus: qui instar Scænæ rettulisse videtur, in quā spectari posset & audiri personæ. Foramina etiam illa fena, non incommodum usum habuisse videntur, ad actores pro tempore submittendos aut recipiendos. Choragium enim omne instrui in cubiculis illis adiunctis occultē potuit: exque iis ornati & parati histriones, viâ subterraneâ, venire in hanc Scēnam. Sed circumiectæ areae tum quid fiet? cui rei seruiet? Denique rotunditas illa loci & graduum orbis, quomodo idonea Theatro? Vultus enim certē loquentium agentiumque, obuerti in vnam partem tantum possunt: nec audiri aut cerni cōmodē ab iis, qui à tergo. Ideo Theatra hemicycli semper imagine facta, bono iure. Nisi si fortasse velo aut discrimine aliquo pars tumuli diuisa, & spectatores coacti in graduum vnâ parte. Sanè fateor lip-  
pire hîc



pire hîc mihi oculos, nec capere visionem omnem huius loci satis certò. De gladiatoribus tantum nihil impedire videtur, quin adfirmem. quibus locus in areâ illâ satis latus, quoniam in gradu ferè inter pugnandum manebant & in statu. Sed quid singillatim circumueo? credo reuerâ varium & miscellum huius loci usum fuisse: ideoque formam eius mixtam, nec aptam ad ludicrum vnum. Potuit Venatio in eo dari, sed ferarum paucarum: potuere gladiatores: potuere histriones aut mimi: potuere velut in Stadio luctatores & pugiles. quod ipsum genus ludi, valdè crebrum & gratiosum in prouinciis fuisse, indicat & indignatur Tertullianus.

Gladiatores  
potuisse  
commodè  
hic dari.

Mixtū fuisse  
huius loci  
usum.

Cubicula quæ ad latus, mihi noua & ignoti finis. potuere tamen instar Spoliarij esse, siue etiam Odæi. quod vtrumque genus adiungi Amphitheatris vel Theatris suis solere, sciinus. Receptacula etiam non incommodè fuerint, ad omnem scænicum aut arenarium apparatus.

Cui vsui  
Cubicula.

Pagum autem hunc, qui Amphitheatro haud longinquus, olim aliquid amplius fuisse: satis conuincamus vel hoc non pagani operis argumento. Viæ etiam antiquæ & publicæ reliquiis, quæ ex hoc pago pertinuit ad pontem Cæsarianum. cuius viæ pars conspicitur: pars maxima corrupta est, & lapides in ædificia variè absumpti aut aucti. Sed & incolæ ipsi antiquitatē aliquam iactant, & Druides sedem habuisse apud se volunt. Ceterum bella vetera fortasse, & (quod magis constat) Anglicana, incendiis quid-

De pago  
ipso, qui an-  
tiquis.



\*Rectè enim  
ex Dougonæ,  
Dome, cur-  
rata voce,  
ut solet.

diis quidquid & quo nomine id fuit delerunt.\* Douconam Ptolomæi fuisse, non vanè ego suspicer; ex nominis quod pagus nunc præfert claro argumento. & collocatio ipsa Ptolomæi non dissidet.


Histriones  
non ita nu-  
per hunc lo-  
cum cele-  
brant.

Edictum re-  
gis, pro  
Theatro.


Narrant regem vel herocem potius, verè magnum Franciscum, anno  $\infty$ . I.  $\text{C. xxxix}$ . circumforaneis quibusdam histrionibus, qui Apostolorum acta repræsentabant, permisisse hunc Amphitheatri locum ad spectacula ea edenda. Illos purgasse, ornasse, & magnum populum contraxisse. ex quo cōuentu, qui dies triginta perseveravit, multum atque vberem quæstum ad paganos rediisse. Eâ re motos, impetrasse à rege, Nequis in posterum illic lapidem excidisse vellet, propiùs ab eo Amphitheatro perticas  $\text{xxx}$ . Crebris enim effossionibus, ab sq. eo interdicto fuisset, interitus iam imminabat huic loco. Tantum sciui, tantum audiui. siquid aliter est: mendacium ego fortasse dixi, at non sum mentitus.

LES






















(Ph) 30 1.7.416  
QVAE EXTRA ROMAM LIBEL. 105





**M**ONITVM te volo, Lector, incidisse  
me cum hac scripsissem, in Elia Vineti  
cruditissimi viri libellum, qui Burdiga-  
lensium Antiquitates continebat, vulgatâ  
Gallorum linguâ. In eo de Amphitheatro  
eius urbis, hac ferè. Situm esse ab urbe ve-  
teri CCCC. circiter passibus. Longitudinem  
arena eius esse pedum CCCLXX. latitudinem,  
CCXXX. Vulgò palatium Gallieni appellari,  
fortasse eò quòd is Princeps exstruxerit. vo-  
cari etiam Arenam: idq; nomen exstare in  
monumentis Ecclesia S. Severini. Formam  
eius etiam vidi & accepi ab amico: sed in  
quâ pretium nullum expressionis.



PRIVILEGII CÆSAREI SYMMA.

107

MAXIMILIANI II. Romanorum Imperatoris semper Augusti, publico edito  
castum & sancitum est, ne quis cuiuscunque status, gradus, ordinis, aut conditionis fuerit,  
quacunque sacri Romani Imperij & ditionis eius fines patent, quacunque probatorum  
auctorum opera, quotquot vel hactenus nondum impressa, vel ab alijs quide impressa, no-  
nis autem deinceps scholijs, annotationibus aut commentarijs aucta & illustrata, Chri-  
stophorus Plantinus civis & typographus Antuerpiensis primus typis procederit, intra  
proximum sexennium à prima cuiusque operis aut voluminis editione, vilo pacto civi-  
dem vel diversi characteris forma excudat, aut excusa ab alijs, intra eiusdem Maximiliani &  
Imperij fines vendenda importet, seu quovis modo distrahatur manifestè vel occultè, sub  
pena decem Marcharum auri puri: quarum dimidia sisco Imperiali fraudis vindici, resi-  
dua verò pars prænominato Plantino cedat, præter librorum ad imitationem impressio-  
rum amissionem: quos idem Plantinus vbiunque locorum nactus fuerit, per se, vel suos,  
adiumento Magistratus loci, vel citra, propria auctoritate sibi vindicare, inque suam po-  
testatem rodigere poterit. In cuius rei fidem ipsi Edicto manu subscripsit, & sigillum ap-  
poni iussit Cæsarea Maiestas. Datum in ciuitate Viennæ Austriæ, die vigesima prima men-  
sis Februarij, anno Domini M. D. L X V.

Subfig.

Maximilianus,

Ad mandatum sacræ  
Cæs. M. proprium

Haller.

PRIVILEGIUM GALLIARVM REGIS.

CAVTVM HENRICI III. Galliarum Regis Privilegio, ne quis in omni  
cuius regno libros totos, aut in parte, quoscunque Christophorus Plantinus aut  
nouos excuderit, aut veteres, sed correctos siue illustratos, aut adnotatos, eosce ite-  
rum excudat, excudi faciat, aut excusos vendat, ulq; intra sexennium à cuiusque  
libri editione. Id autem hoc fine, ut ne idem Plantinus, laborum suorum, sum-  
ptuumq; meritissimo fructu priuetur, cogaturq; tandem intermittere aut omitte-  
re laudabile suum munus, cum detrimento respub. litteraria, & doctorum. Qui  
contra fecerit, sciat paratam librorum confiscationem, aliasq; penas siue multas,  
qua Regijs Edictis continentur. Cum lege tamen, ne ydem libri quicquam conti-  
neant, quod vel Religioni Catholica Apostolica Romana, vel huius Regni Statui  
aduersetur. Atque huius Edicti exemplar cum fronti aut calci cuiusque operis ap-  
ponetur, nullus typographorum siue bibliopolarum ullam ignorantia causam pra-  
texat. Datum Fontibellaqua, quinta Augusti M. D. LXXXII.

Signat.

Per Regem

De Neufuille.



1.7.416

Z (Ph) 30052




409













112






























MC